

眉山縣志卷一

地理志

沿革
簡車

疆域
名墓

形勝
附失考

山水
古蹟

堰渠
圖另冊

陂塘

史記天官書云天下山川首在隴蜀然則吾蜀固中國隩區吾眉又蜀中隩區也原隰沃衍川澤邱陵之旁魄每含通而吐靈使非按其疆域測其夷險則地利何由興焉至夫先民陳蹟暨名流觴詠所寄間亦及之模範山水其在斯乎

沿革

夏時屬禹貢梁州之域周武王時屬蜀國春秋戰國時為蜀侯蠶叢地秦武王時為蜀郡地漢為犍為郡武陽縣南境後漢犍為郡治在武陽蜀漢定益州分置六郡屬漢嘉郡魏晉置梁益二州屬益犍為郡

眉山縣志

卷一地理志

沿革

一

漢文石印社代印

劉宋時犍為郡治徙犍道改屬江陽郡

蘇轍謂生雖江陽指此今考彭山縣志治東十餘里有江城

蕭齊建武三年置齊通左郡與江陽郡析梁曰齊通郡始置齊

通縣郡治在焉舊志齊通故城北在今治北太清三年於郡兼置青州元和志取漢青衣縣

為西魏廢帝二年改青州曰眉州元和志因後周復曰青州宣帝

天成元年又曰嘉州隋開皇初廢郡存州改齊通縣曰廣通仁壽

元年又改廣通縣曰通義大業二年復改嘉州曰眉州至八年廢

州屬眉山郡郡治龍游縣今樂山唐武德元年復曰嘉州清通治注自大

業改郡以前青州眉州嘉州皆在通義唐始以嘉州之名移於龍游二年始析洪雅南安今夾江丹

稜青神通義五縣別置眉州州治在通義貞觀初割陵州之隆山

縣屬眉州開元七年於洪雅別置義州分置平鄉縣南安屬之明

年南安平鄉義州俱省入洪雅天寶元年改隆山縣曰彭山又改眉州為通義郡乾元初復為眉州屬劍南道五代屬蜀宋屬成都路太平興國初改通義縣曰眉山縣蘇軾詩眉州眉山共一城淳化四年洪雅改屬嘉定府州屬惟彭丹青眉山四縣元初仍宋制至元十四年改屬嘉定路二十年省眉山縣入州明洪武九年降為眉縣十三年復為州直隸布政司領丹稜彭山青神三縣屬上南道清因之編戶十九鄉永壽青衣崇仁尚義多悅崇道福全昌澤敦和崇禮合江懷德永通金流玉山通義城內城西城北國民定三級制改曰眉山縣屬上川南道分永壽鎮金華鄉思濂鎮修文鄉萬勝鎮白馬鄉太和鎮多悅鄉合城共九區

疆域

眉山縣志

卷一地理志

沿革

二

漢文石印社代印

東至仁壽縣界四十里仁壽界址由郡二紳劉朝楨與仁壽唐姓爭訟數年勘明界址古碑以光相寺後山起數為第一冲於寺前立為石右屬眉左屬仁寺業自口長望山起數為第一冲於寺前立為石二冲第一岔文昌宮前場為劉宋賀三姓所施後糧在眉照舊盆共四冲三岔其田上山場為劉宋賀三姓所施後糧在眉照舊歸眉州管轄光相寺文昌宮西至丹稜界八十里南至夾江界九十里北至彭山界三十餘里東南至青神縣界四十里西南至夾江界七十里東北至彭山界四十里西北至蒲江界六十里全境東西距一百二十里南北距一百一十里至成都省城二百里距京師五千六百里清嘉慶間通志眉州屬天星井鬼之分入參三度居地輿東經一百零三度五十一分一十五秒據英國倫敦天北緯三十度六分以下溼春夏多雨秋冬少霜雪冬無苦寒夏無

酷暑其地近成都氣候畧相似得四時之和

形勝

眉山古稱形勝地唐通義志云峨眉揖於前象耳鎮於後山不高而秀水不深而清廣輿記云介岷峨之間為江山秀氣所聚唐盧拯羅城記坤維上腴岷峨奧區其概言之也今詳考其形岷江由北而南縱貫全境縣治踞江西岸由治以北江之西平原濶二十餘里為通濟堰灌溉地西多悅鎮迴龍場與彭山分界為長楸山脈衍出之山系下臨醴泉江流域又西一山從長楸山脈之太清觀山蜿蜒南下治思濛江東岸入青神界抵岷江凡百餘里為治西南屏障山之西為思濛江流域一望原田上起盤鰲鎮下抵青

眉山縣志

卷一地理志

形勝

三

漢文石印社代印

神蓮花壩長七十餘里濶亦十里有奇原之西連鰲諸高山峙其上其下為三峰山脈所盤繞三峯山脈之南又為金流江流域亦橫開平陸於兩山間與丹夾青三縣交界自縣治以下江之東平原亦濶十餘里為驀頤堰灌溉地原之東北皆平崗勢甚逶迤谿谷短小與西山異形少堰壩溪流有三惟鰲江較大北高橋河南沙溪河流域均狹其附城險要西為象耳快活山東為驀頤山皆戰事上必爭之地城西二十五里白馬口直徑東館伏龍場為通丹稜洪雅要道城東二十里姜家渡徑富順場御龍場為通仁壽要道城北三十里鎮江場與黃峯迴龍二場相犄角為入省通衢沿江南下有鴻化山界青神縣亦戰事上扼要地山後有間道下

通青神由民國六年滇軍即此道抄襲川軍至金流江大小流石溝為南鄙通夾江要道白龍池李嘴與丹夾兩邑大山連西萬勝鎮姜山交蒲江界治東金華鄉五聖場交青神仁壽界易藏奸宄皆當慎為防守者也

山水

墓頤山治東八里以濱玻璃江林巒特秀如蝦蟇狀故名山周約五里高二里許腹有洞深二丈餘洞有泉自山罅流出極清冽潛通玻璃江名老人泉清康熙六年知州趙蕙芽書老人泉三字鐫石泉有白蟹毛隆恩牧州時曾一見之洞上建祠供四目老人像舊志為四目老人真府唐末爾朱真人楊太虛皆得道於此今殿

眉山縣志

卷一地理志

山水

四

漢文石印社代印

宇猶崇左右繚以游廊庭中丹荔兩株結實繁美近惟左一株存前廳俯臨坡上山門建半坡間顏曰重瞳古觀山麓石橋跨墓頤堰溝又前一阜臨玻璃江即古共飲亭地宋邑宰胡文靖建為燕集賓僚之所嘉定間州牧魏了翁拓之改名江鄉館有記今於其地起望江樓附二忠祠計自山麓達觀前廳曲折三百五十餘步石牆夾道竹樹陰森入廳右行為道院院上客舍三楹花木繞階異香時吐左出北上石磴層疊過真武殿至張仙樓左封純陽殿拾級凡二百餘步又上約數十級有春風樓遺址為宋時建又上直踞山巔者曰三清殿元阿朝寶有記舊志唐張清子深易理讀書於此沿山種斑竹材宜工作行徑深入翠雲可稱竹海山產紫芝為

食中珍品舊志仙翁洞在驀頤山嘗出紫芝白蟹蓋由來遠矣山
右臨江有龍洞水潺潺流出終年不斷每山氣上騰時遠望如烟
雨立至旱禱輒應舊傳山有夜光今無宋建明霞閣岷峨亭以岷介
名問故并失所在惟人日遊驀頤為眉故事至今猶盛特今之遊驀
眾九日為

宋蘇洵張仙碑 洵自少豪放嘗於庚午重九玉局無礙子肆
中見畫像筆法清竒云乃張仙也有禱必應因解玉環易之洵
尚無嗣每旦露香以告逮數年乃得軾又得轍性皆嗜書乃知
真人急於接物而無礙之言不吾誣也故識其本末使異時子
孫求讀書種者於此加敬焉慶歷戊子上元日蘇洵書碑存張

眉山縣志

卷一地理志

山水

五

漢文石印社代印

宋魏了翁江鄉館壁記眉為郡介居水陸之衝公館之西故有
代舍以贏賓旅余既略加葺焉惟是沿泝來眉者未有以舍也
瀕江有亭榜以共飲故邑宰唐安胡文靖公所作也郊之逆勞
僅僅容車燥濕無所乃嘉定六年臨邛魏某來為州明年捐少
府用度撤而大之知縣呂符文靖之族也實相是役冠樓子堂
翼堂以室睽以步欄高其閤閱繚以周垣蓋經始于秋七月于
□迄其冬之十月□□于是賓至之不時得此託處則賓從有
適井廩有次脫然如歸或以謂余曰客必致館是謂友紀故昔
人以隸垣覘晉以司里覘陳今余亦將以是覘子之政之修也
曰嘻而惡知余之始拓為不若是也余將左右宣畝樹之臺觀

屏剔菑翳藝之卉木使高明平夷倦客有以息斯游斯節宣勞
佚也而後薄民壤旁厄藁祠卒未有以大厭余志也而以是覘
政也祇其所以隘我也姑識其事尚來者卒成之後臨川李公甫為守增拓
其制移書了翁又為作記

蘇軾共飲亭送楊孟容我家峨眉陰與子同一邦相望六十里
共飲玻璃江江山不遠人遍滿千家窗但苦窗中人寸心不自
降子歸治小國洪鐘噓微撞我留侍玉座弱步欹豐杠後生多
高才名與黃重雙不肯入州府故人餘老龐殷勤與問訊愛惜
霜眉龐何以待我歸寒醅發春缸和蘇轍踏青詩序轍踏青詩東
門十數里有山曰驀頤山上有亭樹松竹下臨大江春風陌上
每正月人日士女相與遊嬉飲酒於其上謂之踏青

眉山縣志

卷一地理志 山水

六

漢文石印社代印

驚微塵遊人初樂歲華新人間正好路旁飲麥短未怕游車輪
城中居人厭城郭喧闐曉出空四鄰歌鼓驚山草木動簞瓢散
野烏鳶馴何人聚衆稱道人遮道賣符色怒嗔宜蠶使汝蠶如
甕宜畜使汝羊如麕路人未必信此語強為買服襪新春道人
得錢逕沽酒醉倒自謂吾符神蘇轍原作江上冰消岸草青
三三五五踏青行浮橋沒水不勝重野店壓糟無復清松下寒
花初破萼谷中幽鳥漸嚶鳴洞中泉脈龍眼動觀裏丹墀鴨舌
生山下餅疊霑稚孺峰頭鼓樂聚簪纓綺裙紅袂臨江影青蓋
驂騮踏石聲曉去心先爭蕩漾暮歸跨後醉縱橫最憐人散兩
軒靜曖曖斜陽著樹明陸游醉中壞眉山驀頤舊游勁酒少

和氣哀歌無歡情故鄉不敢思登高望錦域錦城那得去髣髴
暮頤路遙知樽前人指我題詩處我雖流落夜郎天遇酒能狂
似少年想見東郊攜手日海棠如雪柳飛綿漢嘉術者袁牧童謂予明年春當還
州西明州牧許仁題墓頤觀墓頤觀古號仙靈琴鶴閒來試一
登日落尚留天外照雲開羅拜殿前僧洞藏白蟹人爭說夜見
神燈我未能幾度醉歸更回首山頭惟有樹層層九日再遊
眉山幾度賞黃花不似今年興味嘉萸酒喜同文士飲桐蔭久
坐梵王家馬嘶芳草重開逕僧鬪茨菰旋煮茶乘興不嫌歸路
晚煙村隨處有桑麻洪成鼎夜雨宿觀中秋江夜雨波光灩
江口浮舟轉江岸眉州東壁山氣佳舟人指點墓頤觀葱龍竹

眉山縣志

卷一地理志

山水

七

漢文石印社代印

樹隱危樓萃嶽疆梯通古殿艤船策杖步層巔屐齒丁丁響巖
畔入門高榜重瞳宮四目真人寶弓彈道證軒皇仙蹟傳叢巖
金粟香初綻中巖或覓老人泉石池乳竇寒波漫嵌洞時時甘
露零灑空滴瀝明珠濺吸來一口沁心脾兩腋風生冷然善低
徊緬想起遙情清名偶被蘇翁喚白蟹浮沉豈易逢金芝璀璨
當誰見荔支一樹尤絕奇涼綠婆娑滿庭院老幹攢攢各數圍
翠葉樛柯雲露泫石纒丹丸鳥雀爭濃陰歇夏彌蕃變周遊斗
閣縱流觀餘霞返照江天眩道人南望認峩眉空濛冥色疑天
半佛光可遇不可求塵根未淨增慨嘆檐鐘乍驚山雨來淹我
遊蹤悲泮渙雲榻一燈客夢醒題名拂石霜毫健今宵山館咏

暮頤明日蘇祠摹馬券 老人泉詩一泓清冷老人泉石罅深
涵閔洞天活潑靈機隨地出蘇翁從此共留傳 清李夢蓮隔
江望墓頤妖墓老成精蝕盡太古月玻瓈晃如鏡照影薄蟾缺
瞋目吮豐頤噴起一江雪蘭若何崔巍樓臺跨腰脊獅王踞其
背俯瞰蛟窟黑伏此青蝦墓安穩顯法力煙霞飽共餐波濤撼
湏泐笑爾如巨鼈此身翻不得 夏日陸雲嶠邀同顧青顴吳
春帆王韻亭遊墓頤晚歸老墓渴飲江玻瓈浪花碎看山渡江
涖水木弄姿態筍輿攔雲根芒鞋踏蒼靄豁舒欵逕仄一線通
幽邃紆行磨蟻旋凹下井蛙墜四圍綠無縫頗嫌一身隘石磴
升千級忽見青天大攜筇四五人翻身立鼈背道士作導引一

一訪仙界峨峨重瞳觀苔壁皴青黛巉巖大斧劈輪困聳杉檜
濃翠飽烟霞萬古色不敗新篁列兒孫未受斧斤害此時炎威
酷火繖當空戴怪底山氣秋舉頭萬松蓋龍湫十丈深珠玉響
幽籟一飲老翁泉熱客冷腸肺丹竈久無烟神燈看不在瑤壇
聚羽流煎茗拈清話蒲團趺坐定都覺塵心退或抱冷雲眠或
采紫芝佩或對爾朱揖或向張仙拜笑舞竹如意短衣不冠帶
神仙原灑落或亦喜吾輩空堂飛蝙蝠岩壑變陰晦岑樓瞰城
郭隱隱隔埃壙我欲效愚公移山近城對庶免涉江勞登舟一
而再狂生作嚙語末惹山靈怪更喚天風來送我出山外踟躕
認歸路飈車颯然快回首望雲巒烟躡銀蟾掛 左紉蘭春日

同友人遊驀頤用杜甫遊何將軍山林十首韻闕首四 豈有仙人
在半欄烟氣清山深棲白蝠樹暖裏黃鶯苔印芒屨蹟廚香玉
糝羹玻瓈江上路長想踏青行 尚有將軍樹慙問荔支靈
根蟠石罅宿葉醒蓮池風過人初適春深鳥不知記曾嘗玉醴
香色未離披 百尺緣梯上層樓對水開空檐垂斷網古壁畫
枯梅地勢千家迥江流一劃來啼鴉翻瓦綠點點墜新苔
有徑竹相掩無人花自香日暄幾欲醉風暖不知涼蒲藻群魚
戲烟雲一鶴藏老翁何處所林麓祇青蒼 敲棋聲出院倚杖
影臨池道子儲山藥游人倒接羅雨懸鳩逐婦晴定燕呼兒好
倩荆關手筠籃到處隨 幽興殊未已斜陽奈若何山連平陸

眉山縣志

卷一地理志

山水

九

漢文石印社代印

迴臺瞰大江多重到石橋路又聞漁子歌黃梅時節後攜酒再
來過 知州劉廷植玻瓈江上水遠渡驀頤津白鷺能迎客青
山欲笑人桑麻千畝綠楊柳萬家春晉魏渾忘却桃源足避秦
重瞳名古觀象耳遠濛濛小艇人爭渡高山鳥喚風星辰垂
座上雞犬入雲中我欲乘槎去仙源此徑通 蠶叢何曲折鳥
道復縱橫瀑怒常爭峽山驕不讓城怪禽啼日夜古木變陰晴
雨後荒烟外遺蹤看虎行 白日上青天高鋤樹杪田綠垂君
子竹清酌老人泉流水當花坐燒丹枕石眠敢同勾漏令採藥
自延年 攀藤猶附葛樓閣亂千層落日啼山鬼秋風瘦老僧
夏長巖積雪春暖佛燃燈靈秀三蘇里文章得上乘 荔支香

味遠雙樹插峯頭雲氣東南合濤聲日夜流枯松盤古澗落葉
戰高秋不禁山林想生平第一遊 州牧毛隆恩墓頤入望色
葱蘢東渡玻璃第一峰蓬勃桑麻經雨潤崔巍樓閣倩烟封山
靈秀毓三蘇盛水利源開百代宗當日我曾逢白蟹至今傳說
是仙蹤

外有成都推官祝旦州牧涂長發詩不備錄

掛榜山即驀頤山右壁方平似榜故名相傳州人有登科第者則
山發彩嵐為驗
白虎山在掛榜山北峭立江上華陽國志秦昭王時白虎為害募
州人廖仲藥秦精等射殺之因名上下為白虎潭

眉山縣志

卷一地理志

山水

十

漢文石印社代印

大旺山治東三十里峰巒屹立森蔚出雲表廻拱州城上有古寺
名聖泉寺後建塔百里外可見

清同治四年重修寺塔新津翰林童棫記浮圖之建創自浮屠
風水家言輒用之以催科第今天下府廳州縣皆有之由來舊
矣建塔多在近郊附郭有山則置之山巔方位當公廡東南值
後天巽卦上應赤道角宿之次其言以巽主文明角為經星之
首主發魁元語雖不經往往有驗理或然歟眉州城東二十里
之大旺山聖泉寺有塔焉建於唐燬於明季陳迹久廢無議修
者咸豐初黔中猶君攝州事始因舊址畫規模集紳耆庀材用
甫成三級受代以去遂寢越十有二年州人士劉崇德等乃募

貲鳩衆踵而成為級十三基方一丈八尺厚五尺五寸而空其中悉依猶君所定經始甲子十月以乙丑閏五月藏事食私任公工堅費節蓋所用白金僅三千餘兩也余嘗疑夫眉山古多聞人自三蘇外以文章經濟顯者指不勝屈宋明科第之盛有一榜進士至十數人者我朝文教振興跨越前古眉故文物之邦其漸摩雅化當復何如余主是邦講席者三年又稔知其士習類彬彬然雅飭文采可觀宜乎雲路聯翩凌轅往代矣然而二百餘年中成進士者不過四人他途致身亦乏顯官持較往代十不及一竊求其故而不得毋亦旺相孤虛之說未可盡闕也曩余以書院卑陋謂不利文風屬眉人為改遷計兵燹之後有

以移建爽塏來告者余方為眉人幸而斯塔之建同時並舉意者風水轉移其在此時乎篤公劉之詩曰相其陰陽觀其流泉洛誥之辭曰我卜河朔黎水古聖人體國經野於避凶就吉之理三致意則今郡縣之求風水誠士大夫責也余與此邦人士有一日之雅既嘉其補救有方尤冀其讀書稽古不懈而及於前人是則區區所厚望也夫

乾明寺山舊名崑崙山

見乾明寺故碑

巖層岫衍俯瞰平原山麓即古魚

鰈鎮有孫氏書樓古蹟

亦見寺碑記

宋魏了翁孫氏書樓記孫氏居眉以著姓自唐迄今人物之懿史不絕書而為樓以藏書則由長孺始樓建於唐之開元至光

啟元年僖宗御武德殿書書樓二字賜之今石本尚存自偽蜀燬於災乃遷魚鰲其居為佛氏所廬今所謂傳燈院是也若里巷則固以書樓名長孺之五世孫降衷嘗遊河洛識藝祖皇帝於龍潛建隆初召至便殿賜衣帶圭田特授眉州別駕因市監書萬卷以還然樓尚未復也別駕之孫闢乃入都傳東壁西雝之副與官本市書捆載而歸即所居復起重樓藏之魚鰲之有樓則昉乎此又嘗除塾為師徒講肆之所號山學於是士負笈景從而書樓山學聞名於時矣方樓之再建也在天聖初闢之從兄直講君堪嘗為作記錢內翰希白宋景文子京皆賦詩闢性倜儻不耐衣冠衣方服其卒也從弟文懿公為識其竊有不

儒其身而儒其心之語故里人又以儒心名之比歲樓又燬於災書僅有存者儒心之六世孫曰某懼忝厥世乃更諸爽塏以唐僖宗所書樓刻揭之樓視舊增拓焉且病所儲之未廣走行闕下傳抄貿易以補闕遺竭其餘力山學載興以余二十年雅故嘗有請曰僕之用力於斯也亦既塵勩公益為我書之以詔罔極余因惟昔人藏書之盛鮮有久而勿厄者梁隋之盛或壞於火或覆於砥柱唐太元文昭之盛或毀於盜或散於遷徙本朝之初如江源叔所藏合江南吳越之書凡數萬卷而子孫不能有之為臧僕盜去與市人裂之以藉物者不可勝數余偶過安陸亦得其省中所藏晉史則佚於他人者可知安陸張氏得

江書最多其貧也一篋之富僅供一炊王文康初相周世宗多得唐舊書李文正所藏亦為一時之冠而子孫皆不克守宋宣獻兼畢文簡楊文莊二家書可敵中祕之藏而元符中蕩為烟埃晁文元累世之蓄校讎是正視諸家為精自中原無事時已火厄至政和甲午之災尺素不存劉北輿家於廬山之陽所儲亦博今其子孫無聞焉南陽升氏之書凡五十篋則盡歸諸晁氏嗚呼此非天地神人之所靳者耶而孫氏之傳獨能於三百年間屢絕而復興則斯亦不可尚矣夫雖然予嘗聞長老言書之未有印本也士得一書則口誦而手抄惟恐失之其傳之艱蓋若此惟傳之艱故誦之精思之切辨之審信之篤行之果自

唐末五季以來始為印書極於近世而閩浙庸蜀之鋟梓徧天下加以傳說日繁萃類益廣大綱小目彪列臚分後生晚學開卷瞭然苟有小慧纖能則皆能襲而取之噫是不過出入口耳四寸間爾若聖賢所以迭相授受若合符節者果為何事而學之於人果為何用則謾不加省然則雖充廚物几於我何加焉不可甚懼矣夫

黃葉嶺治東三十里山勢趨東南特出衆山上雄視鄒江北岸四根松山治東四十里在衆山間挺崿盤陟有居中御外之象大悲寺山治北四十里氣象莊嚴造其巔東瞰仁邑馬鞍西瞰長楸南瞰大旺皆比肩立亦一勝概也

朱家崖治北三十里壁立作半規形自彭山江口迤邐而下俗稱二十四半邊山此其末也

龔吉孚詩 巨靈擘高山山裂餘半面鬼斧闢奇路路通僅一

綫崖沙墮若雨江水激如箭俛仰心膽驚行行發寒顫足疲未

可停晴定何能眴蹙蹙峭壁間同人莫肯先

鄧香圃馬耀堂陳子雲同行

我

生不畏難歷此殊兢戰雄心未肯灰努力如平衍回首謝來人

陽尊俱足羨履險當如夷處常貴知變

按眉東北之山自仁壽馬鞍山分支西南行至古井溝下七星

月壩逆轉分西北行至彭山縣為象耳山曲折抵黃龍溪左岸

山右水入太乙壩

又由象耳山分支南行經仙女山折南入眉

眉山縣志

卷一地理志

山水

十四

漢文石印社代印

境為大悲寺山西南經尖山子折南為朱家崖繞高橋河至東岳廟止自大悲山至此凡二十里山之右自大悲山分出西行抵岷江東岸為彭山縣塔子山下入眉境屬二十四半邊山之左自仙女山後分出南行入至王店子止

山左之水

象耳山分出東南經黃峰場入眉至王店子止

山左之水自陳大堰

以上為彭邑象耳山系

自七星月壩西南行約八里曬穀壩又十餘里鳳凰山入眉界五里至柑子坪西北轉為茯苓窩山八里土地場西南八里至紗帽塘折南經鄒廟子約十里隔水東對富順場迤西七里姜家渡山四里驀頤山折南板橋山過韓賓店牛山口大金山大

旺山約二十五里至乾明寺山自起至此長凡八十餘里山之右自鳳凰山分二小支西南行一為周壩堰右之山隔水西對黃峰場一經金魚寺袁家灣至雙河壩止自土地場打西分行為鵝公包山自紗帽塘分出西行為青龍嘴山自鄒廟子分出西行約八里為柳溝山即古可龍里蘇老泉墓在焉自富順場西分出西行為牛路口山山之左自鄒廟子分出東行經洗馬池至東岳廟止隔水即廣福寺自姜家渡山分出東南抵對邱沱止自墓頤山分出東南至汪廟子止蘆稿冲水出其左

以上為墓頤山系

眉山縣志

卷一地理志

山水

十五

漢文石印社代印

自鄒廟子下對富順場處分支東南行約十里為沐江寺山東北轉五里為觀盛場五里桐子坡又北轉經萬牌坊三里至新開鎮止隔鰾江對仁壽龍駒場長凡二十三里山之右由沐江寺出二小支一西南行為三官堂山抵對邱沱止穆溝寶溝之水出其右一南行為雷廟子山至五洞橋止自沐江寺下分出迤北行折南抵鰾江為家林傳為家鉉翁故里山右馬家灣水至五洞橋合對邱沱山左為孟古塘自桐子坡分出南經黃土埂時家溝水出其右抵鰾江北岸溯江東轉至毛廟子山止隔岸對梅子坡自桐子坡分出東南為黃葉嶺山麓平衍入仁壽界鰾江繞其三面山之左自沐江寺山分出逆轉東北行為馬道子山又東北岐出二小支一

折西為富順場一轉東為廣福寺寺右衍出平崗最長東南抵孫家壩止 自馬道子西分出東南行為長腰山經伍家卡至李子林又數里為蘇欒山相傳有蘇墳在焉 至中福場止 自李子林右分出直下為三塊坡經桂花林平行至冷巷止

以上為沐江寺山系

自柑子坪分支東南行經大墳口大鐵藜巴二山約十餘里至仁眉分界之光相寺西南轉為四根松山六里為謝家廟山迤南沿觀音河左岸東折至冷巷止長凡二十餘里 山之右自四根松山西南分三小支一為老鸛嘴一為撮箕灣又右為御龍場山 山之左亦自四根松山分三小支西南行一為五里

眉山縣志

卷一地理志

山水

十六

漢文石印社代印

冲右之山一為宋家溝右之山一為仁壽光相場山

以上為四根松山系

史大山治東四十里高巒隆起蔓延四出西顧大旺諸山若頰首然洵東境一大山也

尖山子治東五十里孤峙入雲秀出四山表數十里外可見

大乳山治東五十里平岡峭舉峰頭圓厚似乳故名

按治東之山由仁壽虞家場西行叢山攢聚人迹罕通過大石板至文家坳入眉東境劈分三大支其右一支北行至金花場東南為中峰寺山再北為大佛山係仁眉分水界迤西為史大山西南為五拐坡繞金花場右南為長山埂西南為抬頭山下

至邱家塢止隔金溝南對半邊岩長凡二十餘里 山之右至史大山分出西北抵石子場東南轉與大旺山脈東西平峙自史大山分出東北為寶珠寺山山之東與仁分界迤北為梅子坡插入黃葉嶺毛廟子二山間 山之左自史大山分出南行至金花場止

以上為文家坳右一大支之山系

中一支東南行為觀音寺木魚山距金花場五里南行六里迤東南二里至五聖場西北為尖山子西折過一碗水約五里至東岳廟又西為一擔土南折平行迤東為大乳高山又南至蔴柳場場之北為碧峰山即寶祿寺又南為老鷹岩沿鯽江東岸入青

眉山縣志

卷一地理志

山水

十七

漢文石印社代印

神境至百家池山止長約三十餘里 山之右自一擔土分出東北過興佛寺為蔡家塢山 自東岳廟分出西北為石子埂繞五皇場北隔水與長山埂平行至半邊岩止 山之左自尖山子分出西南為火提坡山經黃葛山天鵝山抵沙溪河北岸以上為文家中一大支之山系

左一支東南行為桃山西南為馬黃灣山迤西繞五聖場東南環護尖山下為擦耳岩山大松林山隔水對坡下為馬道子南行至余家埂入青神境山右水下合五根冲入沙溪河長凡二十里有奇 自桃

山左分出東南經大方山入仁壽境與蕭家山對峙中夾龍門河下名沙河至青神縣河壩場北折入眉境為大小高梁坡至楠

木寺抵龍門河北岸止

以上為文家均左一大支之山系

連鰲山治西九十里陂陀起伏山之陽有大石一畝餘深刻連鰲山三字各一丈二尺許係東坡手書清光緒六年丹稜令莊定域為置石欄護之禁磨毀

方輿記要云東坡讀書處

明丹稜令呂禧詩一舉何人得六鰲東溟從此靜波濤指揮蒼莽鴻濛合點綴江山景象高海上蟠龍張爪吻雲間彩鳳舞苞毛定知千載符元氣淨掃苔痕謾刻雕

蘭坡山在連鰲山後山之陰為侯溝有大石橫卧山麓鐫蘭坡二大字字各四尺餘宋進士劉煒書傍跋大宋淳祐辛亥正月二日

眉山縣志

卷一地理志 山水

十八

漢文石印社代印

劉煒侍兄炳攜子姪登探得幽蘭於石壁之下因以名亭

栖霞山治西八十里山陰與丹稜赤崖相對層崖絕壑翠障叢溪積為佳勝下臨栖霞寺舊傳東坡病後遊栖霞有題壁詩

左右岩石間多前人手跡率漫滅不可識麓橫長澗澗跨天然橋當溪漲瀑急憑橋南眺有濠濮間意山之西為宋李真墓

藤溪峽治西八十里赤崖之陽栖霞之陰由觀音岩入峽綿延十里一徑中通非卓午不見日

插旗山治西八十里以形類插旗故名

山在廣濟場北舊志云五十里誤

石寶山治西七十五里插旗山之右萬山環衛特起孤峰山頂有泉一泓鑿石為池清冽可飲旱不枯澇不溢上多題詠今皆剝落

山麓有風洞面平中空溪水伏流其下寒泉倒注颼颼有聲
左紉蘭詩蒼翠此山色柴門人跡希行來流水處時有落花飛
石滑苔黏屐雲深草染衣遠峰銜夕照誰道倦遊歸

丹岩山治西七十里巍然一峰孤標秀出下臨燈壁寺清溪環之
其北即思濛江左派發源處

震屏山治西六十八里

左紉蘭記眉之西鄉群山數百里繞而東走有山曰震屏高峭
而多竹或曰震青龍位也山勢蜿蜒如龍故名又曰義取乎蒼
莨聳然突兀如屏故曰震屏登覽其上遠山羅列若旗鼓然斯
山可傳之勝概也余家於麓焉五世矣當其先葦竹延袤後即

眉山縣志

卷一地理志

山水

十九

漢文石印社代印

屢遭斫伐迄今蒼鬱始復舊觀嗚呼盛衰興廢之故豈不因乎
人哉且夫大造靈秀之氣結而為山必有一瑰奇磊落之人出
焉得其氣以發於文章見之事業而後人即其所著之流風餘
韻以相傳於不朽吾州之象耳以太白傳連鰲以東坡著龍鵠
以李燾顯千百年來過之者必曰某字前人之所題也某碑前
人之所建也余既不敢妄希於古人而又甘於家食樂與農人
相談笑宜此山之湮沒而不傳也今年春余兄篋圃即其左之
舊祠構屋三楹而日往憇焉思有以培護之而力未暇而或謂
山深路險往來都邑不為便余愛其地僻而市遠土美俗醇可
以教子孫於勤儉是以不肯違先人之廬墓而遠遷又此幽岩

怪石谿澗廻環與夫物產之所宜林木之可用取之裕如也吾雖無補於此山而山之益我者非淺使吾能為先人之賢子孫吾兄弟又得賢子孫以善其後其可家奚止四五世耶且又安知此山不以不傳而傳耶余所以樂為記也至於或晴或陰雲烟香靄登高而望變幻無常是在遊覽者領略而自得之爾余筆所不及書也故不贅

石佛山治西山半有石佛像東坡寄子由詩卜宅在何許石佛山南路指此舊志記二十五里今失其處

牛心山一名長楸山治西九十里山脊與蒲江分界孤峰聳峙體象莊嚴俯視萬山周廻拱揖頂建太清古觀觀前一井相傳昔有

眉山縣志

卷一地理志 山水

二十

漢文石印社代印

道士取井水鍊丹丹成適蒲江縣主薄至道士取丹與服俱羽化去見舊志山南池約半畝水澄澈色黝相傳為宋魏了翁讀書遺蹟舊有碑今剝落

石子山治西七十里山自長楸山來屏蔽盤鼇鎮東嵯峨秀拔

七龜山治西三十里明統志南北兩山相峙連亘十餘里中坦夷

惟七山羅列前後形皆類龜

雲舒山治西二十五里山勢舒卷如雲名見圓明寺碑

龍鳳山治西二十五里有觀音古剎

筆架山上連龍鳳山明統志三峰峙立形如筆架山陰為瀘崩溝環居十數家皆書人以為山靈所鍾今考其其山不高惟三點斜

插谿間極明秀

醴泉山治西八里明統志在州西環繞州城山半有八角井清甘如醴蘇子瞻詩正是醴泉山下路蓋指此今考其山畔有象耳古寺所謂八角井者昔就荒穢清末宣統元年修濬

龍文記醴泉山下有江曰醴泉江上有寺曰醴泉寺寺左有井曰醴泉井醴泉其主名寺與井其借名也自兵燹迭經人事改變問今之寺猶昔之寺乎昔之井原號八角今竟毀角為圓獨此泉者孕自山腹寒冽甘芳與江流爭千古噫無實而借名其不可恃固如是耶宣統初元提學使桐城方公籌建學堂於井畔宋君繼之經始其事余與諸君子載酒往遊酒酣不禁喟然

眉山縣志

卷一地理志

山水

二十一

漢文石印社代印

相告曰泉而醴者天也醴泉而井者人也任人者易廢任天者常全且泉欲其流若礙以井轉不達矣具斯活潑何如除其礙以暢其天乎宋君曰然有是哉是吾心也遂復其天然石罅去井濬泉其溢而放者則為十池蓄之陳者涓涓以去新者汨汨乎來清可鑑俯可挹玉汁瓊漿山益著靈其流入江者更達乎四海也同遊者趙樾村鄧奕潛許午樓黃閨棠史雲亭張仲篋宋履和李玉筌彭符卿劉立齋劉升杰黃璧堂作記者眉東永壽鄉龍文 劍川趙藩為之銘曰醴泉無源和氣所生隱蠲民瘼昭應時清眉西之山一泓活潑纖埃不染大旱不涸泉流注江江被泉號甃井者誰與泉性撓龍君復之譬喉去哽微風生

漪晴天倒影沐日浴月葆貞養和金盤承露玉池秋波梵刹昔鄰講堂今啓明德日新鑑旃學子

道成山治南二十四里自龍鳳山下逶迤曲折疊起層巒隔江與大旺山相對山右石窟中有土可食民國七年夏米騰貴斗值錢三千饑民爭取和米麥食有遠自百里外來負擔者俗呼之為仙粃云

太平寨山治北六十里高巖截雲清咸豐間鄉人避藍李賊亂結寨其上居約百餘家今辦公所猶存

盤龍山治北四十里明統志狀如盤龍一名走馬山

鐵碓山治北四十里崖壁峻峭上方平如碓

眉山縣志

卷一地理志 山水

二十二

漢文石印社代印

廻龍山治北十里清通志山自盤龍山南來或起或伏至此岫障迭起遇雙河水口折而西旋狀若廻龍

快活山治西北五里平地矗起高十餘丈舊志百餘丈誤

按長楸山脈由丹稜總崗山東行約七十里至龍鵠山迤北至

眉界當石橋場之西折南為金紫石山其上可望彭山江口復東北入眉

境經栖雲寺黃漕頂至豬嘴崖折北為三角垵山陰之水經黑灘子入蒲江

東轉為觀音岩山右一峰名三角樁堂口櫻桃樹坳子口涼風

嶺二十餘里以上縣界在山陰十餘里之石馬寺交蒲江界至若扇子坡關子門姜山皆由坳子口左出之山

太清觀又東十餘里大寶頂東北入蒲江界為張山龍山壽材

山又北石牯牛山係叩嶽飛界勢漸低入眉界迤南特起為四高山

東屬彭山界折北為彭蒲界山直達新津保資山止

以上為長楸山脈之綱

自金紫石分二小支一迤西至一碗水南行為丹稜治北之山
向東歧出繞思濛江左岸入眉境為四佛場山一東南入眉境
為連鰲山山之後溝有蘭坡古蹟經方山汪山至廣濟場止山

之水入李子河自猪嘴崖分出東南行為插旗山俗傳為鐵勝營插旗處笏箕

岩水經孤鳳菴燈壁寺至震屏山止山右之水亦合李子河自猪嘴崖

橫出一大支迤東北與長楸山脈平行為老黃頂獨松樹及善

覺寺北諸高峰凹為關防口尤聘口凸起為大佛岩至大石板

折而南經走馬埂俗傳為鐵脚達南岳廟止自老黃頂分支

眉山縣志

卷一地理志 山水

二十三

漢文石印社代印

南行為椽子埂白菓樹山至兩河口止善覺寺山南為擦耳
岩左右出二小支右為尖山子左經法寶寺高起為鉢盂山湯
鼓山下經岳溝風洞子至萬勝場西止善覺寺山後北出一
小支為盧埂直達雙福場東距張廟子約十里張廟子在涼風嶺大佛岩兩山
脈之間

以上為長楸山脈太清觀以西分出南行之山系山勢為四面水流所

東甚短促

自太清觀山南洗墨池下紅岩分支南行曰鷄公嶺轉東突起
高峰曰五塊石南行經盤鰲鎮東為石子山安子林山大洪山
繞古新場西迤東經四和場東北為祝山鄧山經黃土坎至火

磚橋折南經洛陽寺母豬林至南岳廟西又南經天池繞松江口西為五里山又下繞張家坎西經道成山即清涼山至鴻化山入青神界長凡七十餘里又下至劉家場止山之右至鄧山南平列數小支為涼風頂三級橋圓明寺鐵爐溝解家山諸山塹各山冲水皆西南流至修文山之左自五塊石分出東轉為羅岩方正如列屏繞晉王場右東南行經雨壇山迤東至三官廟止為柏椿堰傳溝自安子林山分出東行至秦家墩字庫山迤東經李店子至大墳塢止其南衍諸平崗一經龍臺寺至大雲閣止一經甯廟子至火繞寺止為七龜漕北岸自火磚橋分出東行經彭廟子抵韓家場下兩河口止為七龜漕南

眉山縣志 卷一地理志 山 水 二十四 漢文石印社代印

岸南衍為觀音岩諸小山龔溝左自母豬林分出東北過白馬舖又東至淨居寺止下即癩巴石自南岳廟分出東行為龍鳳山有觀音古寺下至筆架山止 自觀音寺北分出經栗子園東北過罈鑽窑至萬山坡止山右為倒流水自觀音寺北分出東經葉廟子趙巷迤北至五里墩醴泉山止山右為白家冲自趙巷分出東經馬道子彭店子涼水井至貓貓山止 自馬道子分出為龍洞山山右即龍子冲水自天池山分出東南行經橫山塹塹平長數十丈
直當龍拖子冲橫塞欲斷至華藏寺止七鴨冲水出其右
以上為太清觀南行之山系
自大寶頂山分出東南為徐山山陰界即蒲江下經太平寨至馬胡營

止 自龍山分出折南至油房山高起二尖山一迤南為鄭山
口明星菴諸山山右之水合馬胡營下一迤東為華藏寺西山廟多悅鎮
盤龍山及韓家場以北之山 自壽材山分出南行入縣境曰
大窩山下為洞口坡右岸至兩河口止坡於崩岩亂石中開徑崎嶇幽險麓有澗為岩
石填塞別鑿左山為洞高丈餘濶六尺許長約半里 自四高
以通水道旁列數孔如門以備排洩亦大工作也
山分出西南入縣境隔澗與大窩山平行為洞口坡左岸下為
五峰山排列華藏寺左旁衍為大王廟蕭埂諸平岡 自四高
山分出南行為彭山西境天弓山長葉山諸平岡至入縣境為
迴龍場山鐵碓山折南入平陸至縣城
以上為長楸山脈太清觀以東分出之山系

眉山縣志

卷一地理志

山水

二十五

漢文石印社代印

三峰山治西七十五里山勢崛起中峰高插雲表挺然矗立望之
令人生敬旁兩峰溫潤可親登峰西望左右環護如城轉東局勢
開朗有俯視一切包羅萬有之概俗以山名三峰誤為張三丰修
鍊處殊無碣據山右有洞洞周壁多孔天將雨烟雲四吐俗名巴
蛇洞蜀故云有東坡讀書處

碓邱山治西五十里相傳唐花卿駐此春製火藥

棋枰山治西四十里相傳息台庵梅花古洞道士圍棋處

息台山治西三十五里明統志引太平廣記云昔有叟偕子入息
台山遇一道士傾酒共飲道士檢籍示曰爾子壽止十八叟因泣
懇改為八十後果驗

紗帽山治西三十五里形如紗帽

金雞嶺治南三十五里自三峰山東向平行至是特高起南轉作雞翹狀故名

白象山治南三十五里山勢彎曲如象鼻故名

東坡山治南四十里有寶相寺係東坡讀書院明洪武隆慶碑載甚詳正殿有東坡神位寺西有東坡之孫白鶴翁墓

黃家山治南七十里磅礴鬱積為南路諸山領袖

玉屏山治南八十五里金流江上隔岸環蔽吳場森列如玉屏

鄭雲瑞詩蒼玉屏風江上山晴嵐照水碧如環憑教遮斷封姨力白裊炊烟比戶閒

眉山縣志

卷一地理志

山水

二十六

漢文石印社代印

石倉山在玉屏山脚沉漬江水中腹空多潛魚有鼈大如車輪旱時石露輒吐涎沫如錢纍纍布江面經久不散俗謂鼈吐金錢

鄭雲瑞詩媧皇有術補青天遺落江心石一拳滿貯神農嘉穀種呼庚呼癸亦豐年鼈吐青華個個圓本來白水出金錢不須更待銅官鑄徧買春江作酒泉

按三峰山為縣南首山自總岡山南行至丹稜縣西南烏牛舖分支東行二十餘里至鄭坪入眉境又五里為碓邱山又東為三峰山自起至此長約三十餘里自鄭坪分支北轉經雅慈寺至觀音場西止為熊山山左王溝入出焉自祝坪分二小支一南行至峰落寺止一北至三蘇場鳳凰山止自碓邱山分出西

北為長腰山隔冲與雅慈寺山平行至觀音場南止

以上為三峰山西來之山系

自三峰山下團壩子分兩大支一東行經王店子至龍興場東

南轉經東坡山中有實相寺係東坡讀書院也正下至水月寺

長約三十里山之左自王店子分出北行經千佛寺迤西抵

觀音場東灣柏樹止自千佛寺東分出北行東轉為棋枰山

息台山迤南過太平場治平寺抵三寶場止北衍為紗帽山臨

思濛江臨江堰右岸南衍為金雞嶺山戴漕之水出其右自龍興場

分出東行為長腰山五根樹白象山岳營坡山及魚嘴山岳營坡山

右為黎冲其右魚嘴山有趙河溝水經其右

眉山縣志

卷一地理志 山水

二十七

漢文石印社代印

以上為三峰山東支之山系

一南行經戴覺寺迤西經雙碑橋左南下至黃家山起阜又南

為中嘴山經長地埭雞婆林繞永興場左迤南經萬山卡至嫻

婆嶺西迤西行旋折南經程店子下為玉泉山經鐵鈴寺西南

行至煙波寺抵青神縣界長凡四十五里又東南直抵岷江止

斜對漢陽場為思濛金流兩江分界之山山之左自戴覺寺北分出東行

為甘坪隔水對龍興場止自戴覺寺南分出經龍合寺右為

花子林山轉東與東坡山平行繞張場北至彭嘴止山左為龍合漕

自黃家山分出東行為王家林山經毗羅寺下至紅巖止為碧漕

合水陸漕處自雞婆林分出迤北為筆架山東岳廟二山埂自雞

婆林下迤東經金象寺至點燈坡止

山左為水陸漕至彭合龍

芙蓉溪入

自雞婆林下分出直東行為王山經馬店至思濛

場止

自馬店分出東南行為崩山嘴至白兔寺西止

山右即泥溪河

自王山分出東南經筭箕坡下為泥溪坡又東經蒲家坎至

觀音寺止

山右為蕭溝

自程店子分出東北為遠望坡有嫻婆墓

自玉泉山鐵鈴寺分出東衍為白壩宋坪蕭坪諸淺山至高坡止下臨青邑蓮花壩山之右自鐵鈴寺西分出為石官房山

自程店子分出迤南至吳街子止

自黃家山西分出為羅

漢寺東南經徐廟兒迤南至吳街子西徐嘴止自黃家山最

西分出南行迤東經天井坎涼風嶺馬山至飛龍祠折東至馬

眉山縣志

卷一地理志 山水

二十八

漢文石印社代印

家嘴止自飛龍祠分出直南為關子門萬年倉川主岩沿金

流江北岸隔水對吳家場為玉屏石倉諸山迤東至寶林寺止

以上為三峰山南支之山系

龍華山治南八十里山自丹稜盆湧排空而至視諸山獨尊

白龍池山治南八十五里方嶺雲迴層陵霞舉池當山凹處約十

餘畝終年不涸不溢池左即大清涼寺明余子俊題坊

明州人吳節贈寺僧妙年穎敏克岐嶷力學孜孜志不移挂淥

不思朝鳳闕披緇偏愛隱龍池眠雲立雪勤修道對月臨風謾

賦詩佛法現前能了了何妨出世掌僧司州人許霖詩秋日

長歌過遠林清涼蘭若翠微深到山惟見烟霞色入寺不聞鐘

磬音龍去池荒存古蹟蘭香人喜發新吟飛花落葉紅于錦何
數祇園布地金 州人許楫詩竹林鬱鬱接松林門外龍池百
尺深寶刹天開山水畫琅_函地振海潮音啣花鹿傍巖頭下盜
果猿攀樹杪吟卓錫祖師成佛久輝煌殿角耀黃金 青邑余
承勛詩萬壑陰森玉樹林桃源春洞迥追尋移杯露砌褰蘿幌
倚杖鳴谿奏石琴鶴唳雲巢驚客夢龍開鉢水照禪心天虛古
殿昏鐘處清楚冷落翠岑 嘉定尹覺詩白龍池外清涼寺
林影波光翠黛濃十笏房中空俗鞅三生石上款吟蹤法音遠
座來深澗禪定當年傍古松何日掀髯入蓮社放歌相與話從
容 夾江張廷詩白龍池在眉山麓好景宜人分外濃連夜雨

眉山縣志

卷一地理志

山水

二十九

漢文石印社代印

聲泉有本一天雲氣路無蹤窗涵翡翠斜橫竹壁走龍蛇倒挂
松我欲尋幽分半榻遠公心下可能容 清州人楊世珍詩避
盡人間垂釣叟優游來到翠微巔天懸藤綫花為餌地湧池盆
月作筌幾片瑩瑩高下石一泓湛湛古今天繞伊不逐風雲會
好學驪龍自在眠

按金流江南岸之山由丹稜烏牛舖東南行入夾江界突起為
牛仙山東南入眉境經舊塔院新塔院山再南入夾江界下達
嘉定 山之左自牛仙山入眉界分出北行為棚子山又東北
為豹子埂再北經漏孔山山脊之北為丹稜界山名九龍洞諸山水入之
至吳場出故名漏孔山東南轉至丹稜竹林寺止金流江右源經其左寺後

東南之境

自新塔院山分出高起為紅巖山牛心寺在焉

紅巖

漕水合棚子山漏孔山水經其下右合斷腰石水

至吳岩汪大坡及觀音堂下連大

小流石溝諸山皆自夾江界分出東行之系分布金流江南岸

入青神又三十餘里至犁頭關抵岷江止山之右傍牛仙山

南有李嘴及鄒溝大房溝突入夾江界自新塔院山分出西

行為白龍池山山谷之水西流入雅河

玻璃江在驀頤山下即岷江以瑩若玻璃因名又名驀頤津唐左

拾遺孟昭圖被奸闖田令孜沉沒處

宋陸游詩玻璃江水千尺深不如江上離人心君行未過青衣

縣妾心先到峨眉陰金樽共酌不知曉月落烟渚天橫參車輪

眉山縣志

卷一地理志 山水

三十

漢文石印社代印

無角那得住馬蹄不方何處尋空憑尺素寄幽憾縱有綠綺誰

知音愁來只欲掩屏睡無奈夢斷聞疎碁古樂府安得雙車輪一夜生四角唐人詩

長安塵土中馬蹄圓重重郎馬蹄不方何處認郎蹤

清州人汪檉賦驀頤山色映青蘋

激灑水光接玉津林薄蒼茫天欲晚江鄉臺畔月如銀故老告

余曰此所謂玻璃江也嗟哉吾聞繁盛之世士女如雲端月人

日出其東門挈榼載道攜手問津紅袂燦臨江之影華騶多踏

石之聲此固輿地之所紀勝也而今何以僅得之傳聞然人事

雖非往昔川原未變滄桑奔騰不竭吐納猶常烟霞迭幻景象

無方大化未有止息四序終無盡藏若夫春日載陽平沙徐矚

一點桃紅三分杞錄提屐履兮幾兩偕童冠兮五六羨錦鱗兮

游泳看鴛鴦兮出沒芳紫茸茸兮依稀杜若之洲幽香馥馥兮
彷彿猗蘭之谷爾乃買一葉於中流舉汗尊以相屬弱柳舞小
蠻之腰款乃發舟人之曲讜論起而風生微吟斷而鶯續縱所
如以舒懷勝彈絲而品竹其或杜鵑啼歇紫燕飛揚落花成陣
謝絮交颺鋪渚中之茵褥綴水面之文章爽氣滿川兮火雲燦
爛濃陰夾岸兮化日舒長於是游子追涼颺而擊楫爭開懷以
徜徉恍乎入水晶之闕歷光碧之堂遊清虛之府涉縹緲之鄉
迨乎玉露橫流金風捲籜畔繞芙蓉底沉碧落登春風之樓陟
明霞之閣攜酒呼盧催詩擊鉢重縱目於津涯覺炤人其隱約
淼淼茫茫汗汗汨汨連長天而耀彩橫素練以揚焗雁拖秋景

眉山縣志

卷一地理志

山水

三十一

漢文石印社代印

龍帶晚烟皓魄照層潭而欲澈流光和雲漢以爭妍至若繁霜
降汀草凋凝烟鬱鬱疎荻蕭蕭水落石出岸濶天高風摧平野
月湧寒濤梅香浮動兮橫斜澤畔雪英皓汗兮倒映林梢雖萬
象之零落寧四顧而寂寥且夫空濛山影蕩漾風痕漁舟短笛
月下疎碁隨其興之所至足之所經接於目而為色得之耳而
成聲何日不飄飄乎曲江之浦洋洋乎錦水之濱亂曰江之大
不可極兮江之深不可測兮江之毓秀不勝紀兮江之遺蹟不
勝憶兮洞有老人今安適兮館無了翁誰共飲兮拾遺沉溺渺
哀怨之不聞兮旌善院荒恍讀書之有聲兮我思古人移我情
兮俯仰上下不知其一往而深兮

玉津陸游詩玻瓈江上送殘春疊鼓催帆過玉津

蜀王灘治東南後蜀孟昶降宋入朝舟過此國人送之而哭因名

二者見舊志今江道遷徙失其處

小桃源南門外村墅多竹籬茅屋小橋流水兩岸桃柳芳菲遊人泛舟其間謂之小桃源東坡詩髣髴城南路繁花撲石頭潁濱詩清江入城郭小浦生微瀾即此

豬龍泉治南石佛鎮即豬佛母泉今亡

蘇軾記眉州青神縣道側有一小佛屋俗謂之豬母佛云百年前有牝豬伏於此化為泉有二鯉魚在泉中云蓋豬龍也蜀人謂牝豬為母而立佛堂其上故以名之泉出石上深不及二尺

眉山縣志

卷一地理志

山水

三十二

漢文石印社代印

大旱不竭而二鯉莫有見者余一日偶見之以告妻兄王愿愿深疑口余之誕也余亦不平其見疑因與愿禱於泉上曰余若不誕者魚當復見已而二鯉復出愿大驚再拜謝罪而去此地應為靈異青神文及者以父病求醫夜過其側有鬻而負琴者邀至室及辭以父病不可留而其人苦留之欲晚乃遣去行未數里見道旁有刼賊所殺人赫然未冷也否則及亦未免耳泉在石佛鎮南五里許青神縣二十五里

按岷江自彭山來入縣北境沿二十四半邊山而下經太和場東雷家嘴為墓頤堰入口處下姜家渡沿山行經白虎山至墓頤山下名玻瓈江此唐宋時正流也後漸淤塞今僅存小流曰

金渡岷江西徙附城郭南流經王家渡對隔洲東下繞城東中分數洲近城一小洲僅半里小洲之北為戴壩壩右即古管驛河小洲之南為馬渡其東大洲三一為馬家壩長約五六里下至明家渡止又東越周家渡為高壩長十餘里下至徐渡止又東越桃子源渡為許壩羅壩長十六里隔水對王家場洲左之水上接金渡下經游渡繞王家場南涸溢不常岷江正流在清中葉附城南下者漸淤民國元年東徙合徐渡六年大水復西徙合周家渡下明家渡經余壩黃中壩有松江滙醴泉江水來合下經李家營有徐渡水經湯壩西來合下經張家坎東南轉至石佛鎮有冷中壩東之水上接金渡游渡來合又東為青神鴻化堰入

眉山縣志

卷一地理志 山水

三十三

漢文石印社代印

口處南抵鴻化山西岸即青邑界下繞太平場至陳渡入青神界岷江

自北入縣境東南達青神凡八十里

老翁泉治東二十里舊志載其山高大分兩股即柳溝泉出兩山間

傍右股下蓄為井可日飲百家西流入高橋河宋蘇洵為之銘并

序云十數年前月夜常有一老翁蒼頭白髮偃息井上就之則隱

而入於泉洵甃以石建亭覆之銘曰山起東北翼為南西涓涓斯

泉溢溢以彌斂以為井可飲萬夫汲者告我有叟於斯里無斯人

將此寄誰山空寂寥或嘯而嘻更千萬年自潔自好誰其知之乃

訖遇我惟我與爾將遂不泯無溢無竭以永千祀

宋梅堯臣詩泉上有老人隱見不可常蘇子居其間飲水樂未

央泉中若有魚與子同徜徉歲月不知老家有雛鳳皇百鳥戢
羽翼不敢呈文章去為仲尼歎出為盛世翔方今天子聖無滯
彼泉旁 蘇軾詩井中老翁誤年華白沙翠石公之家公來無
蹤去無跡井面團圓水生花翁今與世兩何與無事紛紛驚牧
豎改顏易服與世同無使世人知有翁 又送賈訥倅眉山老
翁山下玉淵回手植青松三萬栽父老得書知我在蓬蒿親手
為君開試看一一龍蛇舞更聽蕭蕭風雨哀便與甘棠同不剪
蒼髯白甲待歸來自注先君葬於墓頤山之東二十餘里地名老翁泉君許為一往感歎之深故及之

按眉北岷江東岸有高橋河自彭山象耳山後發源經仁壽永
興場約二十餘里入眉境繞黃峰場山左至何家壩有周壩堰

眉山縣志

卷一地理志

山水

三十四

漢文石印社代印

水自鳳凰山西南流繞仁壽里仁場左來注南流經金魚寺前
下表家灣凡八里至雙河壩其右有雞公堰牛屎堰水由鳳凰
山西北沿金魚寺山後來注西南流五里許有一水由彭山仙
女山後發源約十里入眉境為陳大堰合各小谿水自右來合
為兩河口下五里許至王店子納大悲寺南流之水下三里許
有夏家溝水自右注之沿鵝公坵右下經高橋折南流至筍箕
崖約四里有老翁泉水自左注之經周家嘴至牛路口約四里
入墓頤堰

鯽江在治東即古魚蛇水寰宇記在藉縣南三十五里青神縣東
北十二里註云從陵州貴平縣木梓山流入藉縣夷歌鄉入眉州

青神縣合道江水有魚似蛇仁壽志源出馬鞍山西南流經楊柳場梅橋鋪貫壩場黑水灘金甲灘龍駒場合陰溪溝水又西經眉州魚鰾鎮為魚蛇水又南經金花場麻柳場及青神縣境入江按鰾江源出仁壽馬鞍山下老君山南行二十餘里至太乙壩東南受楊柳場水南十餘里受寒水河水自風凰山左發源曲折二十餘里有倒石橋水由仁壽西北高店子山陰發源約二十里自左流注右轉為金甲灘下入眉界冷巷有觀音河自右來合詳另後下流經眉屬新開鎮左岸即仁龍駒場東行約三里至高車折西南約十餘里有仁壽虞家場水合大石板右諸水經湧泉寺東南流入為雙河口復西五六里至杜馬頭沿黃葉嶺山麓折西南

眉山縣志

卷一地理志 山水

三十五

漢文石印社代印

抵史大山東北轉繞梅子坡循黃葉嶺山右沿毛廟子山轉西直下經腰車河約八里納時家溝孟古塘水四里抵石子場有石子溪自右來合詳另後折西南經大旺寺山後大堰埂至薦子灘有五拐坡山陰之水西流合童家灣諸水經杜河壩流入至魏家灘有油草溝水自長山埂右迤西北流入四里許至半邊岩有金溝水自左流入另詳後鰾江至此為半邊岩山勢所阻折西約二三里至乾明寺後復南繞諶家壩約二里許為洪武灘距五皇場約一里南過興佛寺山麓復西北行約三里南經蔡家壩石板灘約六七里至麻柳場山右復西過沙灘東南為兩岔河河中沙渚廣百餘畝高丈許水東西流正昇橋跨之經老鷹岩入青神縣

境至楊柳嘴入岷江

觀音河自富順場後廣福寺山左發源東北約五里經東岳廟山左雙匯橋納柑子坪伏苓窩各谿水南過景蘇橋合長腰山左之水又南二里有真武橋水自大墳垵山南流合大鐵藜巴山右黃葛冲水西南經瓦廠壩流入名觀音河東南三里繞孫家壩至中復場東有撮箕灣老鸛嘴谿水西南經石頭嘴流入東南三里折東三里合謝家廟山左宋家溝及五里冲諸谿水至冷巷匯鯽江

石子溪有數小源一自驀頤山後發源為蘆槁冲水一自姜家渡山後發源為穆家溝竇家溝水一自沐江寺山右發源為荒

眉山縣志

卷一地理志

山水

三十六

漢文石印社代印

溝水下流會對邱沱又下至五洞橋合家林山右馬家灣水為石子溪

金溝水自金花場左富家冲合諸小水繞場至朱家堰下納中峰寺右各谿水復西行繞場之西南受五拐坡山左之水西南為古家溝約十五六里至蒼橋有鹽井溝水自尖山子西南流約十餘里來會復西北紆回五六里經半邊岩入鯽江

沙溪河在治東鄙

按沙溪河上源為龍門河由仁壽馬桑坡發源合猴子岩大石板山左諸水約二十餘里入青神界經河壩場繞大小高梁坡有眉屬土百餘畝插入河之左岸河沿眉界行三四里至高車

入青神界十里為雙龍橋又有眉屬土在河左岸又里許有水自桃山起下經孫家壩倒牽岩樊家壩楠木寺至青神將軍壩注入六七里有馬蝗灣五根冲水經五皇場火堤坡至青神鄭家嘴流入左有仁壽何家溝水經青神羅家灣來匯名沙溪河以水多沙故名西行有尖山子西南及大乳山東南各山谿水流入經魚薦灘約十餘里至石膏岩入岷江

醴泉江在治西泉自山根湧出味甘如醴相傳飲之能愈疾詳載醴泉山泉流至山麓合溪水為醴泉江清通志江有二源皆出盤龍山自山東者曰臘魚堰水自山西者曰柏椿堰水二水分流曰雙河至州西北十里而合曰雙河口又東南流為醴泉江繞城南

眉山縣志

卷一地理志 山水

三十七

漢文石印社代印

與松江合又東入岷江

龍潭清通志在州西南十里源出筆架山瀘崩溝東流入醴泉江疑即今龍拖子冲

松江清通志在州東二十里明統志自蜀江分流西南流與醴泉江合復入大江今考其源蓋由新津河分入通濟堰堰尾之水經城西通惠橋西南流為權河下名松江至黃中壩入醴泉江

按醴泉江有東西兩大源自蒲江龍山之西入眉境雲水寺南流經鄭山口下至馬胡營有一水由牛心山下發源經晉王場東流為石佛堰水自右來合下為柏椿堰下經焦河壩聖燈寺下為瓦窰堰其西又一水自五塊石發源為傅溝下

經玉皇觀秦家墩馬廟子蒲河壩戴河壩來合下為竹根堰其東又一水自尖山子發源由蓮花蕩順流過西山廟梁河壩經三聖廟即殷家堰真武堰水來合下繞韓家場西南至兩河口其西又一水自盤鰲鎮石子山安子林東南流經古新場東為七龜漕至大雲閣東流來合至癩巴石又一水自白馬鋪西北月兒卡觀音岩經龔家溝合橋樓子鳳凰山罈鑽山各谿北流之水經淨居寺來合下至石馬灘又一水自趙巷沿萬山坡東北轉為倒流水來合下經醴泉山與東源會為雙河口下至貓兒山有白家冲水來合下至紗帽山有龍拖子水自觀音寺南流來合過松家口東南至黃中壩有松江水自城西南流經權河三橋鋪

眉山縣志

卷一地理志 山水

三十八

漢文石印社代印

來合入大江

東一大源自龍山之東下流繞華藏寺左山至兩河口有洞子口水一自壽材山東流一自邛峽石牯牛山西繞彭山界將軍廟經四高山合流出洞口坡東流來會下經華藏寺東南為尹河經多悅鎮盤龍山東入臘魚堰東南至樟大樹東至悅興場有迴龍場水自通濟堰沙堰子分出西南流右納挖斷山水經悅興場西南來合下經龔河坎為湯河下為洪廟河右有楊堰之水流入合醴泉江

思濛江舊志治南五十里自丹稜東流過思濛鄉至青神境入岷江寰宇記思濛水源出蒲周山東流入通義縣又有夷郎川在丹

稜縣東三十里連通義鄉或謂夷郎即平朗之義土語訛曰夷郎
清通志思濛江一名芙蓉溪又云斯磨河發源丹稜縣西東南流
至青神縣西北有水自丹稜縣東赤崖山南發源南流至州界入
焉即寰宇記夷郎川也斯磨即思濛之訛今考思濛江經伏龍場
東館皆有水自西北來合其所流域皆平朗疑即古夷郎川且萬
勝場東南猶有二郎河二郎壩之名按江東人讀二為夷似為夷
郎轉音姑錄以備攷

爾家川清通志石佛山下今失所在蘇子瞻詩卜田向何許石佛
山南路下有爾家川千畦種秔稌山泉宅龍蜃平地走膏乳異時
畝一金近欲為逃户逝將解簪紱賣劍買牛具故山豈不懷廢宅

眉山縣志

卷一地理志 山水

三十九

漢文石印社代印

生蒿穰便恐同鄉人長祠仲卿墓舊志載彭山縣疑誤

芙蓉溪治南四十里合三峰山下水陸碧江龍合三漕經思濛場
芙蓉橋跨其上至洪廟沱入思濛江

按思濛江源出丹稜西北龍鵠山即中觀山南流至城西有數水自

西南來注折東經城南直入眉界至梅子堰東行約八里至望

蘇橋右有三蘇場水左源鄭坪山右源牟溝至場合流下經觀音場合三峰寺

千佛寺水流入東五里至伏龍場有李子河水自左南流來合

另詳東十里至臨江堰北有二郎河會萬勝場水南流來合另詳折

南行有戴漕水自右來注約十餘里繞修文場左合叢林觀各
山谿水下二十餘里經思濛場東名虎皮河鎮南橋跨之下約

六里至洪廟沱有芙蓉溪水自西來合詳另南行約四里至黑沱坎有泥溪河水自金象寺右發源東南流沿泥溪坡山左來注下約四里至觀音寺合嫺婆嶺東易家溝蕭溝諸水南入青神繞蓮花場過田灘右納白壩宋坪蕭坪諸水經龍鳳場至劉家場入岷江

李子河有三源其中一源自石橋場下望天坡黃岩頂起為黃岩漕合大佛寺小溪東南流至雲岩庵合連鼇山溪又合一碗水小溪南下合黃荆林水為李子河繞伏龍場右過二馬橋入思濛江其左一源由石橋場外川主廟流經筲箕岩孤鳳庵燈壁寺合碓窩岩水又合七倒拐鹽井溝水下為背篋堰經廣濟

眉山縣志

卷一地理志

山水

四十

漢文石印社代印

場左來會其右一源自張菴子經月溪寺四佛場流入

二郎河自長楸山脈之櫻桃樹坳子口發源六里至觀音岩四里經雙福場左合團山子小溪八里經周廟子大舒溝八里至張廟子有牛心山即太清觀山下小溪沿五塊石山右來合五里至

千佛岩下經三倒拐四里至黃連埂四里盤鼇鎮又下甲堰有關防口山右之水流經法寶寺來注下經二郎橋約十八里繞萬勝場東至鄭堰有萬勝場水來合經通濟橋下入思濛江萬勝場水自老黃頂山右發源下經莫嘴至飛鳳祠合檬子埂右彭溝陳溝之水下繞李家壩有擦耳岩山右之水經尖山子下鐵鑽井來合為兩河口又數里至萬勝場西三江橋跨之下

經黃魚灘至鄭堰入二郎河

芙蓉溪有三源一曰碧江漕自黃家山左發源經王家林之東下至紅巖出口過張場下彭嘴入芙蓉溪一曰龍合漕自龍興場南行經東坡山埂之而至彭嘴山左合碧江漕一曰水陸漕自黃家山中嘴發源經點燈坡左納東岳廟山左汪漕水至張場合碧江漕

金流江舊志治西南八十里源出丹稜縣獨孤山東南流二十里經州金流鄉又十二里至青神縣界又二十里入大江一名難江太平寰宇記難江在通義縣西南五十二里源出丹稜縣以其水峻急難渡為名本名瀧甘水又云瀧甘水源出洪雅縣可幕山谷

眉山縣志

卷一地理志 山水

四十一

漢文石印社代印

西北流入丹稜縣舊傳水甘如漿病人飲之立瘥

按寰宇記洪雅縣瀧甘水下云

入丹稜縣界合平羌水其云平羌水源出蘆山縣顯與金流江異姑待考

宋張明遠瀧甘水詩一滴涓涓晝夜通潏洄波勢必朝東酌來應遂貪泉味今古明良道不同

多稜川讀史方輿在治西南七十里自丹稜縣流入南接青神縣界下流入金流江

按金流江有二源一自丹稜童家場東流入眉境至楊牌壩左合鄭坪山南之水右合寶瓶寺水至水口廟經峰落寺東南流有三峰寺山南之水經彌陀寺來合迤南為香樟堰至龍華寺右一自丹稜雲定寺發源逕迤經竹林寺東流入眉界為茨竹

堰至龍華寺左二源相合歷關子門曲折至川主岩有一水自牛心寺左發源為紅巖漕下經官房山東北流經螺螄溝來注東流經吳家場南轉為大堰口右有深灘子水自老鴉嘴觀音堂發源下經洪川橋東流來注下至張爺廟南有寶林寺水東南流經作難橋自左流入下至青神梧桐場有一溪自羅漢寺發源東南流經吳街子下合石冲水來滙考其原委疑即古多稜川下約二十里至漢陽場對岸犁頭關入岷江

堰渠

通濟堰一名遠濟唐書地理志蜀州新津西南二里有遠濟堰分四筒穿渠溉眉州通義彭山之田通志在彭山縣西北四十里有

眉山縣志

卷一地理志

山水

四十二

漢文石印社代印

大堰一小堰十唐開元二十八年採訪使章仇兼瓊所開自修覺山下引水灌溉新津彭山眉州田畝袤長凡一百餘里五代時眉州刺史張琳重修元彭山令雍熙復修明史河渠志萬曆七年修眉州新津通濟堰堰水出彭山分十六渠溉田二萬五千餘畝明末堰廢始末見黃輝碑記經獻賊亂碑毀清雍正十一年川督黃廷桂重修仿都江堰制編竹納石砌堤闌水入渠自新津修覺寺餘波橋起至彭山迴龍寺下智遠渠止共七筒引溉新津田三千五百餘畝彭山田一萬三千餘畝每歲兩縣在水利同知衙門領銀五十二兩分撥新彭堰長承修乾隆十八年知州張兌和同彭山知縣張鳳翥詳請興修引灌縣小海子水入舊堰開濬智遠渠下古溝八十餘

里鑿翻水口分支入眉共復彭山古渠二十八灌田三萬九千二百七十二畝眉州古渠十四灌田二萬九千二百七十四畝合新津共灌田七萬三千一百十六畝有奇

舊志彭山分筒各堰大泥翻水口開二十堰八渠曰人情渠新開侯家土堰即智遠筒下入大湃翻水口開二十堰八渠曰人情渠新開侯家渠朱廖古渠盡廢堰民又名鐵壁筒即古灌子地係石埂野雞渠瀉水古渠文家渠又名鐵補漏俾可垂久灌子會中渠野雞渠楊蠟家渠袁家渠劉家渠蔡向渠周李公渠柏樹渠周家渠吳棗兒渠楊柳河渠腰子渠自翻水口分支五堰渠

眉山縣志 卷一地理志 堰渠 四十三 漢文石印社代印

斗池堰 永豐堰 白馬堰 民國七年知事王銘新改堰頭買地開溝入水頗暢以上為上堰

石頭堰 永通堰 韓婆堰 永固堰 瑞蓮堰 黃連堰 舊名

沙堰 子堰 小石堰 以上七堰為

附錄清乾隆二十年修復通濟堰彭山知縣張鳳翥原議善後事宜

一堰頭宜防水漲冲決查堰原在新津南河今於西河添築新堤攔水併歸南河水源如旺伏夏河水猛漲或致泛溢衝決堤埂應令新彭眉堰長輪駐堰頭之二王廟防守宣洩交換撤回以保無虞

一宣洩宜量水勢通濟堰水少時南河舊堤增加竹笆西河新堤

增加石簍以逼水灌田水溢時去簍簍去俾散入大河其沿溝餘水退入于澗

一新定筒口宜定分寸以杜紛爭查歷來原得水利新邑二道半彭邑四道半今彭邑又添二十八道其新設筒口應計水勢之淺深以定筒口之分寸現在仿照都江堰則例每田千畝分筒口三寸五分用石鑿孔為筒以垂永久分水支流溝道不得私挖過低致有越漏

一均派修費宜酌定章程查增築南河堤埂共高一丈四尺五寸長一百二十八丈寬二丈四尺添築西河堤埂高五丈長二十八丈寬一丈採買大竹募夫揀石作簍每簍長一丈五尺堅築堤埂

眉山縣志

卷一地理志

堰渠

四十四

漢文石印社代印

俾無漏洩加淘進水堰溝以現在石坎及溝底過江石為限俾堰流充裕此後長寬丈尺永遠遵照辦理其歲修搶修之費舊規每歲於水利廳領銀五十二兩零不敷需用應於新彭眉各堰戶按畝均派備料公同經理

一每歲修護工費宜分別有則查通濟堰由新津歷彭山達眉州水源有先後之不同灌溉有遲早之迥異應分別筒口情形之高下得水地處之遠近酌定數目共濟其事自新津起至彭山土堰止向係舊有水利應列為上則又自彭山會中筒及西支堰至文殊堰交眉州界止應列為中則又自向家筒至白鶴澗金竹澗列為下則如遇大修上則每畝應派銀二分五釐中則每畝應派銀

二分下則每畝應派銀一分五釐歲修上則每畝派銀一分五釐中則每畝派銀一分下則每畝派銀五釐其筒車牛車均係高田應查明照下則派辦或有新開旱地改為水田隨時報明核實加派隱匿田畝者罰做

一沿溝堤埂喫要之處宜加用石工查彭邑新開之翻水口上智遠堤堰水越堤引灌西支彭溪等堰上下復層次開列筒口實係扼要之區應改築石堤二十丈寬二丈深一尺又江漁堤原屬通濟堰尾堤歷年水源未得係彭屬之文殊堰同眉州青岡等十四堰共築土埂攔截毛家河山水作堰今通濟大堰之水匯入下灌水勢浩大土埂易崩應改作石堤五丈寬二丈深一丈四尺中開

眉山縣志

卷一地理志

堰渠

四十五

漢文石印社代印

湃口水平則塞口以下灌眉地水大則開湃入朽木河

一安設筒車宜酌定地勢以杜阻截下游水利查新彭筒車現在四十餘架安設上游攔溝截水翻車取灌每遇水缺下游數萬田畝均無涓滴經會同新津徐令督同新彭堰長沿溝查勘凡水流湍急之處易於翻灌許令安設以濟高田其漫流之地必須堅紮高埂攔截概不許妄違古制私行安設永令堰長照此查察禁止

以上
薦志

按通濟堰始末章程彭山志載最詳州舊志已略舉其要惟乾隆後歲有增修嘉慶七年州牧趙來震會同新彭令買新津縣民口超白溪河沙地一百五十八畝開河一百五十四丈五尺

據乾隆十九年新築西河堤及南河舊堤共長一百五十六丈至光緒三年州判程元昌奉憲諭履勘丈量堤埂較前大有增加計自金馬河口起至老堰口長二百一十六丈又至旱道長一百六十二丈至馬路口長一百九十八丈至高包包長一百四十四丈至中漕長九十丈至魚波橋上長一百三十五丈五尺共九百四十五丈五尺堤埂寬二丈八尺攔西河羊馬河白溪河南河四水入堰溝由魚波橋進口溝寬一丈八尺其沿溝筒口堤泮分三節上游新開筒三合筒葉筒中有小禮泮泮寬五丈五尺每年新彭眉三縣共同修理繼之為馬筒莫石筒伍小筒自流筒泥奔筒復興筒雙流筒新開筒鐵頭筒漆家筒金

公筒智遠筒有大禮泮泮寬五丈三尺彭眉兩縣共同修理至眉州筒有侯泮朱泮羊义泮西支堰鐵壁泮西支泮彭溪泮蘆沙堰狗蹄堰西南與毛河合為文殊堰而江漁堤為之束係眉山自行修理眉山十四堰自斗門溝至螺螄堰四百七十九丈螺螄堰至菁岡堰八十丈菁岡堰至白土堰四百九十一丈白土堰至瓜篋堰一百八十七丈瓜篋堰至斗池堰三百丈斗池堰至永豐堰六十九丈永豐堰至白馬堰二百四丈白馬堰至石頭堰三百丈石頭堰至永通堰六百六十五丈永通堰至韓婆堰二百七十六丈韓婆堰至永固堰四百九十丈永固堰至瑞蓮堰四百五十五丈瑞蓮堰至黃蓮堰四百四十五丈萬蓮

堰至小石堰一千六百零一丈全堰胥以江魚堤為入水咽喉
光緒初修築石堤長十八丈三尺高八尺餘寬約二丈堤外拜水石現
僅成梯形三級擬再加二級并宜平鋪送水石數丈繼因畝收隱混堰長歲受虧累堰務
日廢弛光緒二十四年州牧尹壽衡議清丈旋調移茂州汪牧
景星至復倡辦躬親畎澮委紳趙煊董其事功未竟但牧祖蔭
繼之丈竣列冊裁支應官廳各冗費二十六年尹牧復任始設
局定章為作記宣統元年經勸業道周善培履勘撤去新津頭
二三道筒車飭改龍骨車令眉山通濟堰局年助該地水戶車
費銀六十六兩新津原有筒車五十六架以後僅留五十三架車基定例順紮支嘴長一丈六尺斜出不得過
溝面三分之一自此堰水暢流無阻矣民國六年大水災新津人以堰

眉山縣志

卷一地理志

堰渠

四十七

漢文石印社代印

堤移高逼水淹城為辭封阻堤工遂於對岸橫紮支水為堰害
訟不決八年八月省公署委西川道聶正瑞會同都江水利童
知事省公署張技正來津召集三縣官紳勘定將堰提高包包
凸出之處退紮一丈五尺長三十餘丈移新人橫紮支嘴處為
順紮魚嘴長限三十六丈九年新津復自橫紮支嘴多處經眉
彭士紳呈控省署指令西川道轉飭新津知事自行撤去以符
定案夫眉山水路寫遠堰頭深淺關係尤切舊志載嘉慶間知州
涂長發履勘堰頭魚波橋舊有石板較高地即俗名浮板進溝水勢稍
緩因令將石板揭起挖深一尺先將溝口積沙淘淨次將緊要
缺口修築是年冬抄水即暢流自此每年挖淘溝底沙淤以魚

兒石及紅苔石過江石露出為準民食所在經工者宜加意焉而興利除弊則有司之責也

黃廷桂重修通濟堰碑記余承天子德意子惠元元常期陰陽和萬物遂匹夫匹婦無一不被皇王之澤以成熙皞之俗顧立願雖奢而措施無補中嘗歉焉敢曰美利自我作古乎夫蜀為蠶叢之國厥田高亢自李氏父子鑿離堆導江入灌口沃野千里民用富繞其地不近川澤之區旱乾時告石田用嗟官斯土者能無望前人之澤而勃然興起者乎癸酉余奉命復制全蜀蜀之民皆余昔時煦嫗而噢咻之者也其疴癢與余為最切值此邊隅綏輯之餘時和年豐欲與吾民謀生養安全可大可久

之計則善政莫大乎水利蜀地溪澤陂沱以及濱江枕河之區所在多有高者可瀦而蓄下者可引而注誠因其勢而利導之則以時樹藝亢旱無虞何在不可藉人力以補天功者耶蜀南通濟堰唐制置使章仇兼瓊所濬也按古志引武陽南河之水入彭眉灌溉民田數萬頃自明季兵燹民無孑遺堰水盡廢昔之岸然為堤者淪於水嗟巨浸焉昔之泓然為渠者堙於土嗟石田焉眉彭之人不知此堰水利者百餘年余前制蜀時曠覽洪波夷考古制蓋嘗欲取而盡復之築堤濬溝由新而彭得水利者萬餘畝功未竣余旋奉召入都不果復因奏准給官錢五十緡以作歲修斯堰之僅存而不至泯滅者賴以此是深望後

之人覩斯堰之僅存因其勢而利導之盡復其沃衍之舊以利濟吾民乃二十年來水利未加廣也田疇未盡闢也其忍聽吾民負向隅之泣而不一動念耶因檄下所司復圖興舉令集吾民而諮曰南河之水發源於邛其來也緩而疾緩則春水不足恃而耕作後時疾則大雨時行一冲而後田間無涓滴之惠曷若引西河之水合南河而入堰以時蓄洩則源遠而流長且亦二王之餘澤也乃吾民果能踴躍赴功以時趨事父子負鋤兄弟裹糧駢駢而來魚魚而赴汙萊闢魚龍游不數月而大功成彭之民實開復古渠二十八綿延八十里直抵於眉嗚呼厥功懋哉維時父老走相告曰彭眉之苦旱也久矣我民之白髮蒼

顏者曾不知有春水到田之事百餘年來今始見之實灌溉我彭田三萬畝眉之田亦不下萬畝焉今日者我黍與與矣我稷翼翼矣何莫非仁人之賜其能昧天良以忘所自敢乞明訓以垂不朽猗歟盛哉夫乃知造物之恩有缺也人補之王政之美有盡也人永之古今治化之成熟不賴有人哉繼自今牧斯土者其無廢前人之業同寅協恭和衷共濟我耆老百姓其無忘今日之功率作興事歷久彌勤毋游佚以失時毋紛爭以僨事厥利其永賴哉是為記 張之浚記乾隆二十年春新津令徐守齋彰山令張梧岡復修唐通濟堰會稟於丹崖督憲黃公以竟□前志公與冷研藩垣酌委浚相度適建昌兄禹則偕署眉

州牧張東園以彭建屬亦來津議此踰月竣工歲暮善後畢黃公枚卜去蜀貽以碑里人感督憲愛民之心往復二十餘年始報命天子邑宰守齋梧岡疏久湮涸澤惠彼疆畎四萬餘畝猶未已用心瘳瘁洵哉聖朝良吏更乞誌其詳余與禹則不能辭東園亦不嫌作楷之煩因書於石曰方余之至堰也丹崖公面囑曰此水發源何處是不竭尾閭何處宣洩不至漫溢水性靡常經久防維之道若何越境人民共此一脈歲修搶修費必均平遲早凹凸之間如何不至爭訟此吾三十年前宿願今復來茲敢不告厥成功以滋襁褓以慰聖朝惟汝是賴罔咎余不敏商之建昌署眉州牧進邑令守齋梧岡熟記之登舟放乎中

流聆其言曰新津金馬洋馬西河并發源灌縣而此堰向所收者止南河水南河係邛州大邑蒲江山水下流無源易涸大雨滂沱又虞衝決一衝而後田無涓滴今於舊堤增加東南河水分流田間又於其上建築新堤截西河分支入南是無源者而有源矣當必不竭自堰口綿亘二百餘里迤邐潏洄延間以湃匯於彭之江魚堤朽木河毛家河眉曰松江口者接之宣洩各溝總匯於大河尾閭層疊無虞漫溢歉時南河舊堤增加竹筴西河新堤增加石篲以逼於田旺時去篲筴俾分於河各堰長住乎此冬乃去先期備物臨時集工罔妨農務舊堤令高一丈四尺餘長一百二十八丈寬二丈四尺新堤高五尺長二十八

丈寬一丈進水入田大溝令寬一丈二尺深一丈八尺水勢充裕永可為例溝口岸沙四十餘丈應用石砌以免冲塞向蔡二筒棗兒白鶴等處土性鬆浮溪流彙集山水陡發衝嚙堤埂淤塞溝道堰水必至橫逸應請下流加淘以豫攘之彭邑翻水口引灌西支彭溪等處上下次列筒口扼要之區土性亦浮應築石堤五十餘丈以免頽落江魚堤為眉州青崗等十四堰接水之滙大堰諸水由此滙入朽木河眉屬遂無涓滴之惠亦改石堤四十餘丈經久防維之道約當如是敢質以請歲修搶修費有不敷三地農民均出入田小溝咸深六尺俾無凸凹各小溝筒照都江堰規千畝一寬三寸深二寸俾無遲早之嫌州縣巡

行阡陌時為經理俾無訟以害時建昌曰善是能仰體率育者也詢之堰長農民曰父母言匠心曷敢稍違稟復速成冷研公亦許其議十月丹崖公就道諸務畢扶杖擔壺捧米以獻者不可數計曰此新田數萬畝中所產也擷其累粒為公壽涕泣攀轅弗忍別丹崖公灑淚而告之曰此吾二十年前宿願也復來得遂緣不可假能不快然第恐此利猶未久焉天地自然之澤朝廷因之以育蒸黎永錫莫倦則恃乎人心不敝之良通濟堰創之大唐迄今越幾何年興修廢墜倏忽如環至前季而休焉茲之蒼顏白髮閱歷父母官豈伊一人有能如是盡心者此利當夙享矣余不敏周流往復始拜手成功汝等或可忘之九重

銘刻新來制憲開公時以風俗人心為念勉之哉其率子弟孫繩而敬受焉以保此生理乎行者爭路俱不得行耕者爭畔俱不得耕何如水之止以平耶疾馳而遽顛蹶遜者猶可以鑒強業而逢災異觀者竊以為笑爭則兩敗俱傷矣逝者如是夫不舍晝夜波無專屬淵有澄明曖昧以取竊也橫肆以奪劫也安知天不灌為巨浸以鄰為壑譎也安知天不潤彼肥饒熟算由於已定而固任其私也彼匍匐公庭廢時失事者田且屬之他人利焉在哉仁讓成風相助相人孕其和天錫之福堯舜之民無非仙子涵濡德化雲水溶溶余老矣不敢再期來此遍語鄉閭願勿愒吾言父老潛然嗚咽翌日書應其請而

眉山縣志

卷一地理志

堰渠

五十二

漢文石印社代印

為之詞曰水兮水兮天生之一人道狂瀾地道滿溢人心不古地道以窒堰兮堰兮銀漢遙通皇王之澤相臣之功召父杜母乳哺成同百年之澤一日之瘖久矣涸轍孰湧源泉既疏既截既宣既泄永植乎心苗毋忘乎君切

墓頤堰因墓頤山得名初自白虎灘引岷江水入口灌眉山青神縣田共五萬二千餘畝唐採訪使章仇兼瓊創始宋知州魏了翁疏濬明季淤塞州判韓賓為修復積勞暴卒州人就其地廟祀因成市今以韓賓名店志不忘也見舊志韓公祠堰形類葫蘆頸細腹寬自大定橋下始分中東西三大溝大東溝分自龍橋下魚嘴沱下堰田約占全堰三分之二堰務之重首堰口次堰堤次則閘泮以時蓄洩

嚴禁筒車阻截而其尤重在堰畝收入無礙迺使修費有資清嘉慶元年州牧涂長發提高堰頭二十餘丈祠今水神道光二年江流變遷州牧吳友箴就水勢所趨預購齊家壩石灘越年壩冲成渠果為堰利二十年堰口淪為淵二十六年丙午州牧衛賡颺與州判胡學海移堰頭至上游牛路口紮篲截江下達舊堰沿流鑿山築堤計長八百丈工費甚鉅堰長杜維釗李友仁等實任其役嗣以江益西徙光緒元年州牧河清始移堰頭至今雷家嘴得水稱便民國五年堰左周家嘴沙岸被洪水冲塌地主藉口阻修知事王銘新履勘以堰低接灘流與岸無害惟飭堰局於淘灘工作時沙石全積周岸一面為護俾一舉兩利詳准立案堰口既高堰堤

眉山縣志

卷一地理志

堰渠

五十三

漢文石印社代印

引長歲修頗不易光緒十六年州牧毛隆恩倡修堤埂兩旁磬以石中實土為一勞永逸計未訖卒任尹壽衡踵成之民國五年水神祠外堤埂傾圮三十餘丈沿岸堤根均被河流冲刷勢將不支會議向溝心移進五尺餘改築堤埂全以紅石疊砌內外作梯形堤底寬一丈二尺堤面不過四尺知事王銘新韙其議為立案自鵝公包起至堤尾止約八十餘丈分年續修六年大水後江流大變復由白虎灘橫截成漕衝射核桃林堰溝八年及十年溝岸冲坍過長復改修石堤為障至全堰閘泮載在局章惟頭工僅一泮二工墓頤山雖有一大泮係全堰水平不能排洩沙淤歲修維艱民國五年始於頭工是首黍一漏□□人□復於二工核桃林添

一聞去淤較便其二板堰小西溝兩處在大堰分水為最先漏洩甚大西二板堰在王場下河小亦宜修閘防堵筒車在舊章定於五

月初十後始許下溝若下堰水乏時立即抬撤宣統三年上下堰

爭水幾釀命案州判李昌駿躬詣勸業道直陳利弊奉令自黃連

橋起二板堰止統限筒車二十七架不准擅添亦不得於分水太

近處安設其下溝定期及臨時抬撤一遵舊章違者有司從嚴懲

辦堰畝自咸豐元年猶牧自東清丈後數十年來隱漏日多堰長

墊修每至賠累破家堰務窳敝光緒二十八年州牧尹壽衡委紳

龍文清丈仿古立竿法分全堰田為二十四段天以翔風膏雨克亮

和年豐家富人喜福逐段勘定界址各置首領量丈分段入冊共

祿來同等字為段名

眉山縣志

卷一地理志 堰渠

五十四

漢文石印社代印

得淨田五萬二千九百六十八畝七分八釐詳定章程於王家場韓公祠設局經收水錢民修民派利以興復惟歲修仍須借墊民國二年局紳何士楨戴蘭亭等倡募堰底積錢二千餘緡永遠存局修費恃以有常堰中有田二十畝三年裁州判缺特設水利專員駐通濟堰令本堰屬之督修收費皆緩不濟急經堰民呈准劃歸縣知事管轄六月二十四號奉四川巡按使訓令准驀頤一堰劃歸該縣知事經管該局章程亦應另定報查并准續定局章與原章并行今歲修又稍懈矣章程所定各段首領有催收抬墊之責以杜差丁舞弊俾工程垂久甚望善後諸君子力行之

宋魏了翁記距州城之東七里所曰驀頤津者唐拾遺孟公昭

圖以直道不容為田令攷所沉處也先是開元中益州刺史章仇公兼瓊為堰於吾州者二由新津縣之西曰通津曰驀頤山之西曰永濟水利凡溉眉山青神田畝七萬二千四百有奇國朝天聖未使民輸以彼之緡畝算餘錢五元豐四
十有一水為者一民患苦淳熙年郡守武信楊公輔易為官修所謂王景堰北互與田祖田廸諸堰故疊石為堤至是以竹落易之衡廣一百二十丈有奇視昔用度蓋已十損其二而比歲東流益悍舂磨之家又壑之以浚其流磯之以怒其勢故其下俗所謂蘆花筒者日見漱齧筒下之田疏惡不支迨嘉定五年水又汾至射王景堰僅餘尋丈幸未決決則堰高江庠

眉山縣志

卷一地理志

堰渠

五十五

漢文石印社代印

水且盡注之江七萬畝之種將不得下明年余來為守訪問民疾苦多以是為言欲為改築則築事已動先是畝算不下八十錢以給丁庸會廣漢張麟之來丞眉山增科三十有八且為教於民約一年後勿斂又節縮財用損常年三之二得錢三百萬於是畚武陽之石以為堤下邛笮之竹以為槌使植根既固雖有漲潦不能侵噬一日戒余以竣事余往觀焉且命客以俱丞曰是亦庶幾無憾余曰不是所謂隨宜救弊然而長利乎且州之水近自白虎江來其為派二東流直驀頤則病堰西流薄州溉則病城是雖三尺之童亦皆見之而先是者弗此之圖今東日下吾恐武陽之山可泐邛笮之林可禿而算畝增繇抗民

之精將自是日極矣今為教曰盡一年勿復斂丞能自信矣乎
曰然則徙東流而西之其庶可久乎曰西亦吾民也東免於堰
患而西為城憂是以利易害而弗可為也曰奈何曰移東而西
偏也亦西而東亦偏也吾欲截江為槌以捍東流而灑渠於東
西之兩間則城若堰將兩利焉不乃可乎丞瞿然曰命之也敢
請示期而客有難曰因其故而歲為之防可截江為之以傲幸
萬一不可曰何由知其不可也曰聞齊人延年言於漢武欲開
大河上領帝謂此大禹之所道不可改杜預將橋大河或亦以
為商周所都歷聖賢而不作殆必難立然則是堰也昔人之經
始於斯為不少矣而顧未有及此者子之知也誠足以盡出古

人乎哉吾恐灑渠之利未即見算畝之緡未可罷而截江為槌
歲一剿民是以百仞之堤為阱於國中也其能久居此乎使來
者或不能卒子之志歲一罷修則今之消功殫賄以為之者將
復潰而東趨而前功廢矣曰抑余聞漢人之習於灌漑者曰張
戎言水性就下疾則自刮除成空而稍深今灑渠以浚之其勢
將日下下則疾疾則刮除而深昔之東注而病堰者皆將為中
道之歸歲不過損錢百萬以為截江之防而王景堰之役可漸
省以至於不必復事矣與其歲捐二倍之費以救其末而為害
未有既也且是非之心焉可誣也今惟其是孰不我是今而非
也安能強來者之不我非邪况渠成民之利也其不成也所捐

不過異時待遇使客者令少府損節之以復於民耳而來者何得以非我乃以控於刑獄常平使者潼川楊公子謨議未決會行郡相與按視始盡得其利害之要捐錢七十萬俾經始余亦以少府二百萬足成之命丞受役焉會計金穀兵馬都監吳口戒事期程護工作水工以時物土賦丈庸丁以時架筠槌石起冬十月訖明年春三月累日積工凡若干民之無職事者受庸而為之渠成而前以為非是者往往自異其說謬見稱述余復謂之曰始而非之者固未必是今而是者亦不得為非乎水為天下之至險有非知力所能周者而子為是乎易曰窮則變變則通通則久若夫變而通之使可久而不窮則在後來非吾所

眉山縣志

卷一地理志

堰渠

五十七

漢文石印社代印

敢知也乃為記

清尹壽衡記眉故多堰其最大者曰通濟曰驀頤通濟一堰予詳記其經丈顛末意欲為驀頤堰之倡而苦於集資之艱慮始誠賴有人哉斯堰也州志所載唐家以來章仇公兼瓊魏公了翁厥功甚著元明雖不詳而明州判韓賓以死勤事州人祀之至今祠猶存國朝雍正乾嘉間知州王君牧任君履素趙君秉淵涂君長發後先規復水畝遞墾遞增迄咸豐元年猶君自東州判胡君學海復加清釐共五萬一千八百畝有奇而定章善後之方闕如也先是堰頭在今水神祠外江深堰高每不利於截引道光二十四年衛君賡颺與胡州判始移於牛路口順山

鑿石功多費鉅職員杜維釗實肩其任光緒初元河君清又移於雷家嘴固已因地制宜矣第石堤乃全堰咽喉屢培之而復屢決患莫大焉十六年毛君隆恩重築未訖卒於任余下車三閱月始觀厥成十九年大湃坍且裂雖飭修完固丈畝未遑也無何漏畝日多堰費日絀弊竇即因之叢生州人士因丈費不貲往往旋議而旋寢去年夏集衆籌議以通濟堰假資措償之法為可沿而新釀團底之法為可稱貸也乃屬州紳龍文學博暨貢生戴承殷郭維翰監生李登墀從九劉星垣王大瑤彭澤膏石玲瓏董其事同心共濟督率躬親立條規分段落繪圖以定阡陌揀首領分領以專責成經始於辛丑仲秋至壬寅仲春

而工竣計得田五萬二千九百餘畝歷年加多之廬墓不與焉而石堤之補築石灘之深淘堰溝之寬修閘與湃插之整飭一舉而衆善皆備當夫水注流暢汨汨其來無有遠邇田水皆盈堰中人視若甘露醴泉為從來所未目覩者喜可知也昔東坡兩知杭州欲浚古河鑿挽路竟格於議而不行余以空疏無具之身俾五十餘載就湮之水利一旦為之改觀亦云幸矣雖然古之人有守郡朞年而百廢具舉者區區一堰務遲之又久始克考其成功愧且滋甚幸於何有匡衡不云乎仁愛溫良者戒於無斷湛靜安舒者戒於後時夫余豈仁愛溫良與夫湛靜安舒哉抑無斷後時未之能戒焉耳惟喜是役之興有條不紊而

費亦無稍虛糜且嘉董事諸生之勤勞不可不諗於異日特繼通濟堰而率記之冀後來者加以經久防維之道以利濟我眉民是則眉民之大幸也哉

大江之東各小堰灌田畝數

高橋河周壩堰二百餘畝今名何壩堰源自鳳凰山西南流水分十二股雞公堰二百

餘畝牛屎堰三百餘畝金魚寺大堰五百餘畝石家堰四

百畝檬子堰三百畝久成堰三百餘畝即陳大堰水源仙女山經蔴柳溝下

宋大堰一千七百餘畝

觀音河牟家堰三百餘畝孫家壩堰四百餘畝孟家廟堰一

百餘畝桶桶碑堰一百餘畝葉家壩堰三百餘畝冷巷子

眉山縣志

卷一地理志

堰渠

五十九

漢文石印社代印

堰一百餘畝

金花場朱家堰三百畝寶家堰二百餘畝姚堰約二百畝

農官堰約三百畝聯陞堰約三百畝汪家堰二百餘畝曾

家堰三百餘畝杜家堰四百餘畝下流入鯽江

五聖場黃家堰約百畝聖母堰約二百畝側耳堰約二百畝

古佛寺堰約二百畝黃坭堰約二百畝雙緣堰約四百畝

清末陳利賓黃上林修雙緣橋成即橋築堰徐高堰百餘畝下流入沙溪河

麻柳場木家堰百餘畝宋家堰二百餘畝方家堰百餘畝

檬子堰百餘畝通天廟二百餘畝下流入沙溪河

大江之西各小堰灌田畝數

醴泉江西源毛家堰百餘畝 石佛堰三百餘畝 馬胡堰百餘畝
 柏椿堰一千餘畝 趙通堰七百餘畝 黃沙堰一千餘畝
 胥家堰約七百畝 劉家堰六百餘畝 辛堰六百餘畝 陳
 昌堰一千畝 牛屎堰五百餘畝 蘇堰六百餘畝 瓦窰堰五
 千餘畝 竹根堰五千餘畝 以竹計水共九百六十根每根灌田五百六十 張堰一萬
 餘畝 水分五十一家場 下至兩河口西合七龜漕水入醴泉江
 西山廟梁河戴家堰三百餘畝 陳家堰七百餘畝 汪家堰二
 千餘畝 高家堰四百餘畝 梁家堰五百餘畝 殷家堰三百
 餘畝 真武堰一千二百餘畝 以竹計水每竹灌田四畝約三百根竹 右合竹根堰
 秦家墩溪流周垮堰四十餘畝 梅子堰四十餘畝 張堰五十

眉山縣志

卷一地理志

堰渠

六十

漢文石印社代印

餘畝 李堰六十畝 辛堰六十畝 獨堰六十畝 王堰約入
 百畝 徐堰六百餘畝 王堰三百餘畝 馬堰二百餘畝下合
 韓市張堰
 李店子崔堰四百餘畝 蔭柳堰四百餘畝 李子堰六百餘畝
 安子堰五百餘畝 半邊堰四百餘畝 楠木堰二百餘畝
 □草堰五百餘畝 喬堰四百餘畝亦入韓市張堰
 七龜漕李家堰五百畝 鄒家堰三百餘畝 趙家堰四百畝
 張家堰五百畝 李郭堰六百餘畝 劉家堰四百餘畝 張家
 堰一千餘畝 冷家堰二千餘畝 黃龍堰一千餘畝 易家堰
 一千六百畝 槽頭堰八百畝 羅家堰一千餘畝 黃沙堰一

千餘畝 鄭家堰二千畝 新開堰一千畝 白臘堰二千餘畝
王家堰二千餘畝 陳家堰二千餘畝 賀家堰二千餘畝
許家堰二千餘畝 張家堰二千餘畝 和尚堰一千餘畝 下合
兩河口

悅鎮醴泉江東源尹家和尚堰 三百餘畝 頭堰一千餘

畝 文堰八百餘畝 雙廟堰萬餘畝 一名洪 李子堰一千餘

畝 萱家堰四百餘畝 錫支堰三百餘畝 無堰堤分 趙家

堰二千餘畝 吳家堰一千餘畝 陳家堰四百餘畝 臘魚堰

三千餘畝 馬堰一千六百餘畝 張大堰三千餘畝 退水左

入湯河 天生堰三百餘畝 白土堰一千餘畝 白楊堰三百

眉山縣志 卷一地理志 堰渠 六十一

餘畝 地成堰一千餘畝 楊堰三千餘畝 退水入洪廟河西合

醴泉江 壇神堰二千餘畝 自沙堰來 西來堰二萬數千畝 乾清

隆二年邑人彭開第創修迄民國九年知事李鐵橋改修石

元總總理彭灼章曾有仙協理郭慶瑄文牘鄧海山庶務等葳其

事設局定章堰水益暢田價增高快活山廟內碑載甚詳其堰由

尹河經悅興順河兩場至快活山前紮堤橫截流達松江計分五

溝共九十八股 松江口白家堰三千餘畝在橫山埂上 龍拖子堰三百餘畝在

橫山埂下 么堰四百餘畝 龔三堰二千餘畝退水入醴泉江

張家坎張大堰五千餘畝 源自七鴨流山谿水合山下浸水繞登

汪堰 汪堰一千餘畝 侯家堰一千畝為山谿水聚會而成 唐

堰一千畝 為龔三堰尾水未修入口失利今 下流入侯河注青神

鴻化堰

盤鼇鎮葛魚堰八百餘畝清乾隆間鄉人陳奎等七人創修

甲堰九百餘畝下

合萬勝場二郎堰

萬勝場左二郎堰二千餘畝 林堰八百餘畝 板堰一千餘畝

琵琶堰八百餘畝 湃漕堰五百餘畝 王家堰七百餘畝

仁民堰八百餘畝入思濛江

萬勝場右老木堰六百餘畝 梁堰七百餘畝 鴨腦堰四百餘畝

鄭堰四百餘畝下合板堰

廣濟場左背筭堰一千餘畝 百家堰一千餘畝 羅家堰百餘畝

朱家堰數百畝 新堰數百畝合李子河

眉山縣志

卷一地理志 堰渠

六十二

漢文石印社代印

廣濟場石棺堰百餘畝 董堰數百畝即舊志大佛栖雲兩山發源之溝 雙合

堰數百畝 天生堰數百畝 沉江堰四千餘畝分高坎二溝 朱井

堰百餘畝 趙家堰千餘畝 任堰數百畝 白土堰一千餘畝

王堰二千餘畝下合月溪寺水入李子和

思濛江梅子堰白家堰共二千六百餘畝 洪化堰二千畝 楠

木堰一千五百餘畝佛場下 胡堰三百六十餘畝 廻環堰二千

餘畝 臨江堰三千餘畝 白土堰七千餘畝 黃沙堰四千餘

畝 白堰三千餘畝上接黎冲各山谿水下入思濛江 灌堰五

千餘畝 宋家堰一千餘畝接灌堰下流 范彭堰一千餘畝

寶成堰三千餘畝廢 普興堰三千餘畝下及青神今廢

龍合漕宋家堰三百餘畝 倪家堰三百餘畝 何家堰三百餘畝
畝 諶家堰三百餘畝 石板堰三百餘畝 季家堰四百餘畝
土堰子二百餘畝 鍾嘴堰五百餘畝 青岡堰二百餘畝
鄭家堰八百餘畝 諶家堰七百餘畝 劉家堰四百餘畝 鄒
家堰三百餘畝 白家堰二千餘畝
碧江漕長灘堰三百餘畝 洪巖堰三百餘畝下合汪漕水陸漕
為師公堰三百餘畝 張家堰三百餘畝 梅家堰三百餘畝
白家堰六百餘畝 張家堰二百餘畝 劉家堰五百餘畝因溝
壞另築為土堰 土堰一千餘畝自張家堰分出下為芭豆堰入
芙蓉溪 芭豆堰百畝 邱家堰八百餘畝自張家堰分出經劉

眉山縣志

卷一地理志

堰渠

六十三

漢文石印社代印

堰新堰入芙蓉溪 劉堰二百餘畝 新堰二百餘畝 花池堰
三百餘畝池大約百畝接白家堰水
泥溪河龍洞堰二百餘畝 癩子堰一百餘畝 馬大堰一百餘
畝 平水堰七百餘畝下流入思濛江
嫻婆嶺易家溝棺木堰六百餘畝 黃瓜堰六十餘畝 鄭家堰
三百餘畝 顏家堰七百餘畝 李家堰七百餘畝下入思濛江
金流江香樟堰百餘畝 茨竹堰由關子門江中用涓筒引灌盧
家壩田三百餘畝涓筒之製鑿石中空相接十餘丈作螺螄堰
曲尺狀能引水下入上出以灌高田
舊名紅巖堰灌田三百餘畝 長灘堰用涓筒引紅巖溪水灌余
壩田五百餘畝 師公堰灌涂汪二壩田三百餘畝 趙家堰今

為大堰口分彭董二堰彭堰灌田二百餘畝董堰灌田三百餘畝清乾隆間州牧蔡宗建開月呷堰灌郭埂趙壩田六百餘畝吳街子板堰百餘畝水源羅漢寺下經草堰百餘畝下至青邑

江金流

陂塘

邑東何大塘在驀頤堰西溝尾面積百餘畝灌田六七百畝應立塘規以助堰務濛子塘在太平場北當驀頤堰西溝中流廣二百畝灌田約五六百畝近因堰水暢流未築陂岸菱角塘在金花場廣十餘畝灌田百畝因多種菱角故名七星塘在蔴柳場有泉眼七孔故名灌田千畝八角塘在五皇場灌田七十餘畝

眉山縣志

卷一地理志

堰渠

六十四

漢文石印社代印

周大塘距五聖場七里許廣十餘畝灌田二百餘畝萬大塘在四根樅下廣二十餘畝灌田百餘畝朱大塘在謝家廟廣十餘畝灌田百餘畝葉家壩大塘廣二十餘畝灌田二百餘畝孟古塘在時家溝右邑南田池塘在李家營西田池坎廣約百畝灌田三百畝有奇尚待修濬以廣其利秦大塘廣四十畝灌田約二百餘畝天池塘廣九十餘畝灌田約四百畝均在修文場東山清水池在碧江漕象鼻寺山廣百餘畝熊大塘在金流江盧壩廣五十畝灌田二百餘畝蔴草塘在金流江右寶林寺西廣二十餘畝灌田一百餘畝

邑西野鴨池在廣濟場廣約七十畝 天池在萬勝場廣約九十畝 陳大塘廣約五十畝 王大塘廣約二十餘畝 洛陽寺大塘廣約三十餘畝 呂大塘廣約三十餘畝 徐大塘廣約十餘畝均在白馬鋪山埂 王大塘在四和場山埂廣約四十畝 楊大塘在順和場廣約三十畝 邑北朱大塘在寶藏寺後廣約百畝零灌田三百餘畝 劉大塘廣三四十畝灌田二百餘畝 侯大塘廣四十畝灌田二百畝均在鐵碓山北 巫倪塘在鐵碓山廣五十畝灌田四百餘畝 破鑼塘在沙堰河西岸屬黃連堰尾水廣約八十畝灌田約六百畝 黃大塘在獨叢樹東西各一均灌田三百餘畝 楊大塘土地

眉山縣志

卷一地理志

堰渠
筒車

六十五

漢文石印社代印

場洗馬池山 陳大塘土地場趙山下 劉大塘土地場牛屎堰上 潘大塘宋大堰右山均廣二三十畝灌田各二三百畝 附邑南松字保闌干壩劉宗祠蹇山塢桔槔溉田法每掘井六七丈可灌田七八畝旱年桔槔林立亦可助水利之不及

筒車

鯽江鴉叉口一架灌田一百餘畝 三祖廟四架上下堤各二架灌田一千餘畝 沙灘子二架兩岔河至浮橋五架共灌田二千餘畝 箭子難五架可灌田三四百畝 張河壩四架可灌田五百餘畝 萬家嘴三架可灌田百餘畝 李家塢一架可灌田八九十畝 石家嘴一架可灌田百畝 崖角沱一架可灌田六七十畝

沙溪河二架共灌田百餘畝

大江沿岸王爺廟二架灌田五百畝 瓦窰坎三架灌田七百餘

畝 黃中壩李家營兩處五架灌田一千二百畝 筒車坎四架

灌田一千畝

醴泉江跳蹬子筒車灣四架

高橋河高河坎五架 鵝公坵五架

按筒車以竹為質逕三四丈輪週斜綴竹筒為挹水具承以木槽別用竹竿相接度水入田其法先淘灘紮簍束水成渠後跨車渠上水激轉挹注不停岸高數丈亦能取溉每車一可灌田二百餘畝早年尤倚賴之眉屬江流溪澗中所在皆有誠為水

眉山縣志

卷一地理志

筒車墳墓

六十六

漢文石印社代印

利之一助然每於堰溝有礙以其阻截溝水有害下流也

墳墓

唐李淳風墓 石佛鎮南三里許墓址廣袤約二丈四周砌石父老相傳明尚書余子俊自河西岸遷此遷時見內碑題曰我本唐朝李淳風五百年後被水冲江上相逢余子俊煩君遷我過河東隔世相遭無他贈贈君二十四箇紫金鐘金鐘若是少一箇藏在家人衣袖中發之果驗云云按李淳風岐州雍人明歷法為唐太史令卒於官似不應葬此但唐書稱其能推算唐中弱有女主武代王事又言占候吉凶合符契當時術者疑其別有役使不因學習所致是亦令人難測者今墓無碑惟金鐘數

言尚見青神縣余氏族譜并書祠梁姑存之以俟考古者詩見石香

廬余祠堂

唐花卿墓 花卿唐劍南節度使崔光遠牙將長安人墓在東館鎮前志云丹稜東南四十里鐵桶山乃唐段子璋寨地花卿鏖戰於此久不下考舊唐書肅宗紀上元二年四月子璋反梓州五月花卿拔綿州斬之并未至丹稜亦無鏖戰不下之說先民已辨其誤惟黃山谷詩話花卿塚在東館鎮至今有英氣血食其鄉意其時花卿為崔光遠牙將光遠節度劍南眉丹皆其屬地有賊奉命致討其職也為民討賊喪元誠有當於以死勤事則祀之例宜鄉民奉為土主至今不湮康熙四十年州牧金一

眉山縣志

卷一地理志

墳墓

六十七

漢文石印社代印

鳳置龐姓二戶守墓免其役詳花卿廟

宋孫抃墓 治東石佛鎮西南半里清同治七年鄉紳甘棠笏劉崇德等為立碑誌其墓

蘇序墓 據曾鞏銘在修文鄉安道里今失所在

蘇渙墓 治東永壽鄉高遷里見穎賓表今失所在

蘇洵墓 在墓頤山東老翁泉傍軾詩老翁山下玉淵回手植青松三萬栽即此宋歐陽修銘曰有蜀君子曰蘇君諱洵字明允眉州眉山人也君之行義修於家信於鄉里聞於蜀之人久矣當至和嘉祐之間與其二子軾轍偕至京師翰林學士歐陽修得其所著書二十二篇獻諸朝書既出而公卿士大夫爭傳之

其二子舉進士皆在高等亦以文章稱於時眉山在西南數千里外一日父子隱然名動京師而蘇氏文章遂擅天下君之文博辨宏偉讀者悚然想見其人既見而溫溫似不能言及即之與居愈久而愈可愛間而出其所有愈叩而愈無窮嗚呼可謂純明篤實之君子也曾祖諱祐祖諱杲父諱序贈尚書職方員外郎三世皆不顯職方君三子曰澹曰渙皆以文學舉進士而君少獨不喜學年已壯猶不知書職方君縱而不問鄉閭親族皆怪之或問其故職方君笑而不答君亦自如也年二十七始大發憤謝其素所往來少年閉戶讀書為文辭歲餘舉進士再不中又舉茂材異等不中退而嘆曰此不足為吾學也悉取所

為文數百篇焚之益閉戶讀書絕筆不為文辭者五六年乃大究六經百家之說以考質古今治亂成敗聖賢窮達出處之際得其粹精涵畜充溢抑而不發久之慨然曰可矣由是下筆頃刻數千言其縱橫上下出入馳驟必造於深微而後止蓋其稟也厚故發之遲志也慤故得之精自來京師一時後生學者皆尊其賢學其文以為師法以其父子俱知名故號老蘇以別之初修為上其書召試紫微閣辭不至遂除試祕書省校書郎會太常修纂建隆以來禮書乃以為霸州文安縣主簿使食其祿與陳州項城縣令姚闢同修禮書為太常因革禮一百卷書成方奏未報而君以疾卒實治平三年四月戊申享年五十有八

天子聞而哀之特贈光祿寺丞勅有司具舟載其喪歸於蜀君娶程氏大理寺丞文應之女生三子曰景先早卒軾今為殿中丞直史館轍權大名府推官三女皆早卒孫曰邁曰遲有文集二十卷謚法三卷君善與人交急人患難死則卹養其孤鄉人多德之蓋晚而好易曰易之道深矣汨而不明者諸儒以附會之說亂之也去之則聖人之旨見矣作易傳未成而卒治平四年十月壬申葬於彭山之安鎮鄉可龍里君生於遠方而學文晚成常嘆曰知我惟吾父與歐修公也然則非余誰宜銘銘曰蘇顯當世實樂城人以宦留眉蕃蕃子孫自其高曾鄉里稱仁偉歟明允大發於文亦既有文而又有子其存不朽其嗣彌昌

眉山縣志

卷一地理志

墳墓

六十九

漢文石印社代印

嗚呼明允可謂不亡 余成勛記嘉靖壬子春臺史汝南俞公時按部眉山夜夢與東坡先生接因謁三蘇祠為文祭之曰東坡穎濱葬於吾鄉之汝穎間墓至今存也惟老泉先生葬於眉山故墟按歐陽公誌墓在武陽之可龍里豈為人滅其跡久而無所考耶遂命其守楊侯秉和上下彭眉間求之竟弗獲議者謂東山十里廣福寺者相傳為老泉勅賜守冢之寺也即其地封而祠焉弗愈於終亡已乎不然穎濱墳院記有之廣福為先公文安府君墳側之精舍也距墳四里許翁初卜葬得安鎮之山有泉曰老翁井墳距泉西南祇十餘步爾今之求老泉墓者舍寺而求諸泉近之矣侯乃度方里以諮其泉遂得之於石龍

東岸之柳溝山中其山壯偉環抱泉竈然出於兩山之間畜為井翁謂葬書協吉為神之居其信然哉乃復得聯槩於山楹之下雖無埋辭翁祭程夫人文惟子之墳鑿為二室徵夫泉與穴信乎為老泉遺冢也若石龍者適在彭眉界中豈可龍相傳之誤耶侯因諭居民我弗爾罪圖別址以徙爾居我將治泉穴構祠宇乃封乃樹申樵採之禁於守冢焉庶幾老泉之靈爽栖於此矣遂約其勞費以聞於臺史從之未幾祠成侯屬承勛記其事仰而嘆曰老翁井僻泉也自老泉而有聞焉今老泉墓泯矣據老翁井而復得之翁之井銘曰惟我與爾遂終不泯翁與泉何異世相遭也哉說者謂東坡穎濱若歸祔翁所謂庚壬之穴

則翁之墓至今存可也不然老泉嘗欲卜居河南貧不能遂二公蓋承其先志者今二公塋域中亦有小眉山西望驀頤風景不殊又安知老泉之靈不往來遨遊於汝穎間耶至三蘇氏之所以存者歐陽公銘曰偉歟明允亦既有文而又有子故其父子兄弟一時文名震京師其終也忠愛孝悌之節率可以表見於天下後世其存而不朽者在是矣又豈繫於一坏之士為蘇氏有無輕重哉若夫臺史之文章氣節視蘇氏異代而齊光者故其感契之深寓諸夢寐極意而推表之矣嗚呼佳城見白日而滕公葬峽槩墮而王果復營斂之今老泉之廢井亦幾五百年而遇臺史封其祠焉非異數也乎翁諱洵字明允號老泉其

詳在宋史傳茲故略是舉也憲伯陳公常道楊公守約參伯鄭公光溥學憲陳公鑿先後贊成之若吾鄉之少卿吳君嘉祥憲副弟承業亦嘗與泉諮焉謹錄以為記 清戴伊任記老泉公之墓由宋元明四百餘年碑誌剝蝕莫可考據明成化中州守許公仁承中丞侍御諸當事意於墓頤山前後求之弗獲乃即廣福寺後脈樹墓以伸拜祭後溯井求墓於石龍柳溪得之自明季滄桑後百餘年無人訪及康熙四十一年壬午學正段仔文便道過之詢一老人遂造其地歸與州守金公一鳳言其狀公率僚屬紳耆往謁焉斬荆棘芟藤蘿見豐碑屹立苔蘚塵封凡碑二一為老泉墓碑一為明侍御喻公求公墓及獲公墓碑

原委井然其一碑小而卧於側者則為明判官公之裔孫蘇大章贖祀田邊界碑也豕為偷兒穿挖深可數尺猶見石槨以間世學人不保其墓如此慨焉久之墓前尺餘舊有祠瓦礫纍纍竹茨交纏半日乃盡闢基不甚濶僅三楹耳金公即捐囊命土人封築之極高且大使樵牧不侵設祭拜奠衆紳耆咸懼怵以為百餘年荒穢今一旦修治之老泉公九京可慰忠定二公在天之靈亦無憾矣金公復以其顛末上之撫臺熊公撥廣福寺左後之田二十畝為老泉春秋祀田康熙丁亥仲秋戴伊任敬識以待考古者并叙祀田之所由來以昭金公表揚先賢之至意云

附蘇墳祀田 嘉慶四年九月紳士公同丈量註冊蘇莊田共一百八十八畝零蘇墳山田四畝零蘇祠本城田十五畝零共田二百七畝有零水塘六口共十二畝六分零山地共二百三十六畝零山場共六百三十二畝零給田戶按田畝交租為住持焚獻修葺祠宇之用

程夫人墓 據老泉祭夫人文及東坡王夫人墓銘當是與老蘇合厝余承勛記亦有得睽槩於山楹之下一語惟後人題墓不及夫人別於老泉墓後封土望祭云

王夫人墓 據東坡墓誌銘葬於先君先夫人墓之西北八步歲久湮沒清咸同間首事特仿其詞意封土於老泉墓後歲時致

眉山縣志

卷一地理志

墳墓

七十二

漢文石印社代印

祭

大宗伯白鶴翁墓 治西南五十里寶相寺西清同光間發見其墓磚記有三曰白鶴翁曰有宋大宗伯蘇公曰東坡之孫白鶴翁邑紳劉崇德侯世封等表之立碑按東坡孫有名符者官禮部尚書疑即其人

司農少卿墓 近白鶴翁墓同時發見碑題失名旁鐫疑為東坡曾孫數小字未知所據今考宋史蘇轍傳附元老者俟東坡族孫歷官軍器監司農衛尉太常少卿疑司農少卿即元老官銜之省文揭之待考

附蘇欒城先生十一曾孫墓 在土地場外民國初掘地得碑

無名俟攷

富順場蘇欒山相傳亦有蘇氏墓

楊素墓 治北十五里為魏鶴山舅鶴山題墓詩云追思初攝大
夫事得助堂前拜舅姑三十三年歸夢枕一生一死隔黃墟時
危剩着人間我境換遙憐向者吾伯兮叔兮今已矣逝偕衆季
勉終圖

楊成墓 在治北一里

李墓墓 栖雲寺旁通志載入丹稜今屬眉界

寶月大師墓 據蘇軾銘在治東智福院今失所在

明張涂氏墓 治西五里墩狀元冲為元相張必通妻事詳本傳

查張氏族譜載涂氏子添紹中明洪武乙丑殿撰揭榜後有以

眉山縣志

卷一地理志

墳墓

七十三

漢文石印社代印

必通事上聞者遂被害削籍按歷代科名錄洪武乙丑狀元為
丁顯意殺添紹而以顯補之歟

譙按察墓 治西李店子有立人堡相傳為明譙按察墓墓旁石
人二各高五尺餘無碑查舊志明鄉賢譙明嘗為廣東雲南巡
按殆其人歟

張鳴吼墓 治東五十里麻柳場譚家冲碑題明中順大夫陝西
按察司副使張鳴吼之墓太子少保兵部尚書東粵張鶴鳴題

萬安墓 治東大旺山下

又洪廟河右岸有安先塋

御史喻文璧墓 治南六十里吳場林家溝碑殘缺惟神道碑及
石表存

郎中王承肇墓 治東乾明寺左大墳地

處士王襄墓 治東五十里寶祿寺後

陳郭氏墓 治西七十里三根松碑末題男登皞立考陳登皞即
鐵脚板有傳清舉人左紉蘭鐵勝營歌云鐵脚板登皞其名陳
其姓眉之西鄙人世居盤龍鎮少年喜獵走荒山手挾雙鎗雙
足脛荆棘無鈎鉗嶮巖如康莊人呼鐵脚名揚揚當時蜀大亂
巨賊黃鬚張遣掠吾眉狄三品城內南原為殺場萬人屍肉投
虎狼登皞練勇保故鄉營名鐵勝障一方一戰二郎壩再戰斑
竹王三戰石佛鎮四戰五戰退守插旗岡咄哉向成功并吞相
結構登皞大戰乾谿頭鬱鬱冤魂飛白晝新城王漁洋來眉謁

眉山縣志

卷一地理志

墳墓

七十四

漢文石印社代印

三蘇詩云往者此地鐵脚亂高門大宅皆焚如嗚呼鐵脚何曾
亂鐵脚有膽與賊戰英雄莫將成敗論埋沒英雄天地昏君不
見三根松陳家營登皞母墓荒棘荆墓碑猶刻登皞名前功誰
為登皞旌

萬人冢 在城南明末丙戌獻賊屠城眉民檢而埋之疑即左朝
臣募人收瘞者

清毛覺生墓 治北富順場蟠龍山覺生名輝鳳江西豐城人由
舉人大挑知縣歷任川中各縣俱著政績卒巴縣任時洪楊亂
路梗同夫人徐氏葬此從祀彭縣樂山綦江巴縣名宦祠并原
籍鄉賢祠著有訟過齋日記求仁堂詩集刊行

附毛季彤墓 治西多悅鎮關門山蓮花沘季彤名隆恩歷官

忠資等州知州卒眉州任有傳新城王樹枏銘其墓其子官雲南鹽運使

名玉麟墓附右

鄧克明墓 治東大定橋北三里枇杷冲

郭天祿墓 治南三橋鋪南一里許

周吉圖墓 治北周家嘴與老泉墳近因陣亡贈振威將軍有傳

王文員墓 萬勝場猫猫山

李若堃墓 在悅興場青龍嘴

嫻漣墓 治南遠望坡乾嘉間有老嫗結茅路隅紡績自養日備

茶水及雨具夜燈濟行人積數十年遠邇僉稱嫻漣婆不名死厝

眉山縣志

卷一地理志

墳墓

七十五

漢文石印社代印

其地藏番朝峨眉山經此輒率衆膜拜各取小石砌墓纍纍如塔狀光緒中附貢生趙煊為立碑題曰古嫻漣墓今且以名市義冢 治西五里嘉慶二年知州涂長發捐置得高阜地九畝有奇長發為作記云嘉慶二年三月予將重建眉城與州人既協議遂集眾工具羣枋巡視基址為興作計見舊城傾圮已極其存者若限若闕隱露於草棘間甚且夷與地等貧民多乘垣以居其附郭而葬者纍纍又無慮數百蓋城廢已久當事者既不

能隨時修葺復不為之厲禁而聽其民之居與葬焉遂使城基日即於頽廢若是予時諭其居民曰城公地也爾曷鳩占於此吾不爾罪爾其早自避去其今與昔之葬者將并遷焉以即吾

工繼謂司事者曰城以庇民也今事方伊始而遽令貧者無以安其居死者亦且暴其骨予心滋戚焉今為捐俸二百金爾其計民之當遷者幾何家視其屋之瓦與茅以差其值與之金以為轉徙費更覓隙地一區為叢葬所數日於西門外得高阜地九畝有奇給值以購乃令陶者造作大甕每啟骨一具貯一甕內函蓋完好各為一冢匝月始畢凡後之貧民死而無族以葬者例皆得共厝於此予嘗攷古者戒門閭修鍵閉歲有常事而任土之法塵里宅田各奠其居又有邦墓地域令國民放葬此民之所以樂生送死胥得其道也眉山夙號名區可聽其廢墜若是乎予故各為釐正俾得其所並於新購之地正其封域而

眉山縣志

卷一地理志

墳墓

七十六

漢文石印社代印

標以碣曰義冢爰書四界於石使後之居民無更越畔焉
附石考古蹟

漢黃龍甘露碑 攷列后

黃龍甘露碑 建安二十四年

輿地碑目云在彭山縣之黃龍鎮縣今廢省其地入眉州額題黃龍甘露之碑六隸字隸續云碑中有穿高五尺餘廣三尺文十行僅有數字可辨群臣列名居石之二上下四橫每橫二十餘人可辨者侍中二人司徒尚書五官中郎將大中中散大夫博士各一人議郎四人安漢鎮東等將軍二十餘人官之下皆稱臣姓名碑側題太守李嚴并丞令二人華陽國志建安

二十四年黃龍見武陽赤水九日乃立廟作碑墨寶云彭山縣即漢武陽縣地也

黃龍甘露碑 建安二十六年

輿地碑目云在隆州藉縣江口墨寶云在眉州彭山縣本朝人

題云以甲辰歲治平宋英宗元年三月二十七日轉移此碑蓋自

隆州移置眉州也

額題黃龍甘露之碑六隸字隸續云碑亦有穿高五尺餘廣二尺文十四行惟首行有建安二十六年數字可辨建安二十五年漢祚已終次年四月蜀主稱帝改元則辛丑之春蜀人猶奉漢代正朔故有建安二十六年之文

眉山縣志

卷一地理志

失攷古蹟

七十七

漢文石印社代印

碑陰

隸續云存者上兩橫每橫三十人可辨者侍中議郎從事史中郎將數十餘人兩橫之下崇甯中徽宗為王時彥所磨刻其說

以上見顧藹吉隸辨

右碑大小各一皆有額曰黃龍甘露之碑婁彥發云在眉州彭山縣大碑之首有十九字其小者云惟建安二十六年餘皆磨

滅不可辨碑陰亦皆漫漶存者兩橫每橫三十人隸釋隸續均為

宋洪适所著 云崇甯中皆為王時彥所磨以刻其說矣按史建安二

十四年黃龍見武陽赤水九日次年曹丕滅漢太傅許靖安漢將軍糜竺等上言武陽龍見君之象也與博士許慈議郎孟光

立禮儀上尊號此碑有□漢將軍等官號碑陰有許慈孟先姓名郤與史合彭山即漢武陽地建安二十六年為昭烈章武元年蜀人不稱章武而稱建安應在未改章武之月故追奉舊正朔邪

以上見葉奕苞九來金石錄補

按漢宣帝時以黃龍甘露之瑞改元建安末黃龍見武陽赤水羣臣勸昭烈登帝位故立碑其地以為頌蜀志許靖糜竺等上先主稱尊號之言是其明證碑並舉甘露為額殆循漢宣故事連類及之歟碑署建安二十六年後人多有疑義然昭烈即帝位文特書惟建安二十六年云云是明以蜀漢承

眉山縣志

卷一地理志

失考古蹟

七十八

漢文石印社代印

繼正統無容他辨碑側有李嚴等名是年李嚴為犍為太守此碑蓋其所立也至宋轉移此碑不知何故且俟考

南康郡王紀功碑唐貞元十三年建碑為皇太子誦書原在龍興寺天聖五年移州治前

羊竇道碑永初二年立隸釋字原俱云在眉州墨竇云在嚴道縣東三十里縣今廢其地入雅州碑式云前有文六行空一行後有文九行崖石有裂絡文避石裂故字數不等少者九字多者十五字最後一行刻書人姓字及日月隸釋云青衣尉趙君孟麟穿崖易道行人去危即安故刻石以志其事字畫甚拙愚按最後一行云書此盛巨印碑式所謂書人姓字也漢碑之有

書人姓字者惟此碑及武班樊敏郾閣頌天井碑側題名而已

見顧藹
吉隸辨

眉州創羅碑記唐大順二年盧拯撰

城東貢院碑貢院為唐時寺殿改造有唐及五代二碑

唐張遠霄宅明統志州治西北後歸蘇又歸蒲氏蒲園中有雙
檜尚存宋李石詩野草閒花不計年亭亭雙檜欲參天讀書欲
得騎鯨老買藥來尋跨鶴仙今失所在

古竈宋范成大吳舡錄蜀中眉郡治有古竈在廳事後太守不
敢居扃鑰奉祀之

景蘇樓治西宋司農少卿陳曄總領蜀餉過眉為蘇氏父子建

眉山縣志

卷一地理志

失考古蹟

七十九

漢文石印社代印

清道咸間李夢蓮三十樹梅花詩集有長夏與顧青顴王韻亭
陸雲嶠樓下射飲詩功名笑把兜鍪謝科擲雄心聊學射短衣
窄袖少年郎雁行排列冠纓卸畫鹿懸熊鵠正中挾矢張弓階
上下耳根弦響餓鴟叫肘後弓鳴霹靂詫尚嫌步濶貼烏珠更
趁圓寬插甘蔗藝精獨讓雲間陸飛衛甘蠅乃其亞謂雲抱強
今有顧虎頭力開兩石雕弧弮謂青顴王郎酒酣誇技巧蝨心連
貫衆驚訝謂韻亭祇我腕柔弓力弱破的應弦喜亦乍勝者持籌
進杯罍負者倚裳飲亭榭儼同三耦習威儀未教七國爭雄伯
大廷揖讓何彬彬矜躁果然都默化書生鍵戶苦著書黃金賣
賦久無價舉劍徒為壯士差投筆轉遭傖鬼咤未信封侯骨相

屯老驥伏櫪思長駕燕然銅柱要奇勳三箭天山手可藉太平
海內不重武雅歌投壺儘閒暇嘆息英雄髀肉生帷幙坐如新
婦嫁我曹文謙一射鵠光陰豈祇消長夏筋力勞同運甕勤樗
蒲戲免牧猪罵撒手權將弓挂壁解衣我已汗流胯文人習藝
君休笑試看樊遲請學稼今亡其處
靈巖石鼓州大江東北岸近靈巖寺下江沙中得巨石鼓一高
三尺圍六尺許形製殆類岐鼓狀但無紀畫可考豈為波濤所
蝕乎僧舉置廡下寶重之